

KUKAKATILA

 Injuzyo ku bbunga eli bbotu okuno sunumasiku, Mucizi Webster a Mukwesu Green, a bbunga lyoonse, mamembala aa mbunga eyi. Ncoolwe lyoonse kuli ndime kuboola ku ng'anda ya Mwami, elyo mpawo, sunumasiku, kujoka alubo muli imwi ya mambungano a Foursquare Aakwe.

² Nda yeeya, myaka yakainda, cindi ni Nda kasaanguna kusika ku Los Angeles. Nda kamvwa zya Mucizi McPherson, pele waa katantide amatantilo a ngolide Nke tanaba mu nzila. Elyo cindi Ne kaunka ku Los Angeles ciindi citaanzi, Nda kaunka kutala ku Forest Lawn. Nda kamvwa kuti wa kazikkilwa kutala okuya, elyo Nda kaunka kutala a kwiimikila munsi lya cuumbwe cakwe, a kukotamika mutwe wangu a kupa kulumba kuli Leza ku buumi bulemekwa. Kuzwa ciindi eco, Nda kabona citondezyo ca Foursquer mu cisi coonse mo Nda katola lusyomo. Nda kajisi coolwe ca kuba mu tempele, kulindila mu kaanda kakwe ka kulindila. Katana unka ku cikambaukilo, waa kajisi busena okuya. Elyo Nda kakkala okuya, busiku bunji, nkekakanana mu tempele, a kuyeeya maora nga kalino yeeya kakutana kunjila cikambaukilo, kusetekana kwa kujula Ijwi lya Leza. Kuba kokuno, sunumasiku, a bamwi batobezi abo basola kubamba mulumbe oyo kuba muumi: Leza abe a ndinywe,amu longezye.

³ Elyo mpawo kujoka a Mukwesu Green, mweenzuma, muyandisi uyandwa, Mukwesu a Mucizi Green. Elyo cindi ni Nda kali kokuya, kaindi kainda, a kumuswaana, Nda—Nda mwaambila kunji Nkwe botelwa mulumbe oyo mu nyimbo, buzuba bumwi, kuti kutala okuya kuli basimakwebo, kujatikizya, *I Zina Lya Jesu*, na cintucimwi, wa kaciita. Ta bana lu rekkodwa pe. Nda mwaambila, “Andibe sikuula mutaanzi,” liali boobo, lwiimbo lubotu boobu.

⁴ Elyo Nda yeeya kuti inga bandiimbila sunumasiku cindi Ne kasika kumusanza, elyo—elyo mukaintu wangu a bana bali kusule okuya ku luswiilila. Elyo Ndili masimpe kuti balubotelwa abalo. Elyo jwi lyakwe tali... Lili zizilwe ncobeni ku busena bwesu. Ndi jisi marekkordi akwe manji. Cindi Nda talika kulimvwa bubi loko, Nda njila, Ndi jisi cimwi cilimba ca ya marekkoda eyo, elyo Nda kabikka cikama coonse ca marekkoodi akwe, a kukkanbuyo kusule a kwaas swiilila. Ndi yanda kwaamba ku mukaintu kusule okuya, Ndi jisi buyo amwi ambi. Nda zibotelwa ncobeni. Zili... Nzya mayubilo akupumuna, ku zimvwa buyo nyimbo zya Makanimabotu, kuziba kuti ta ziimbwi kuzwa ku majwi aakayiisigwa amincini, pele azwa ku moyo wa Munakristo wini.

⁵ Wa kandaambila kuti waka jisi zimwi kubusena okuya sunumasiku. Ndi yanda mukaintu wangu, zyalo, ku zilanga, kubona na umwi ujisi okuya, ta tujisi, akuba masimpe ku zitola. Ndi yeeya kuti bali bajisi kumasena mu buyake bwa mutende. Elyo bali . . .

⁶ Nywebo mulizi, cintu cipati, nceeco Nce yeeya kujatikizya kwiimba, Nda zibotelwa ezi. Nda botelwa majwi akayisigwa, pele Nse yandi jwi lyakaindilila kuyisigwa. Mpawo ula bona buyo kuti nciindi cilamfu buti kojatilila kuyoya kwako, mane waba bbulu ku meso, nkabela toambi cintu nekuba. Pele Nda botelwa kwiimba kwa pentekoste kubotu kwa kaindi, oko nko juka buyo a kwiimba. Nda—Nda ciyanda eco. Elyo Mukwesu Green ngu jisi ceeco, walo a Mucizi Green. Elyo aboobo tu lizi kuti eco cayakwa kwiinda ku makkwaya aya, azimwi zimbi. Elyo ncibotu loko kuziba kuti, zintu ezi, inga twa zijata.

⁷ Lino, Mukwesu—Mukwesu Green a Ndime lutaanzi kaswaanganwa, Nda syoma, kuti inga Nda yeeya, Nda syoma kwakali mu Dolopo lya Kansas, cindi nitwa kali kujisi miswaangano ya baiminizi kubusena kuya. Obo Mbwe kali kukkan... Ba kati, “Ee, tacinaba ciindi caku boola.” Pele inga Nda lindila mu mootokala wangu, elyo Nda kali kuyanda kuba masimpe kumvwa kwiimba oko, cindi walo—walo a mucizi nibakali kwiimba.

⁸ Aboobo Nda kamwaambila okuya, Nda kati, “Nda syoma, kuti, bumwi bwa mazuba aya cindi Nda kulanduka mulonga . . .”

⁹ Nda kubotelwa kwiimba, kabotu loko! Elyo Nse—Nse konzyi buya kwiimba. Kwa mana. Nda kali kuyanda kwiimba lyoonse, alimwi Nse—Nse konzyi buya kucicita. Elyo Nda kali kusola kwiimba lwiimbo ku mbungano, “Muswaangano wa ciyanza cakaindi mu busena bwa ciyanza cakaindi.” Inga nda inyonganya yoonse. Nda kali kubweza buyo janza lya mukaintu wangu cindi Ne kasika ku ng’anda, Nda amba, “Oyandwa, Nse kacisoli alubo, aboobo kondi gwasya.” Ndi bweza buyo . . . boonse bambi kunyongana.

¹⁰ Pele bumwi bwa mazuba aya Ndiyo imba. Elyo lyoonse Nda kayeeya, ndiza okuya ku lubazu lwa cilundu, oko i—i mulonga wa Buumi nko weenda kuselemuka kumbali lya Cuuno cabwami; cindi kkwaya eyo mpatti ya boonse bakanununwa, ayo majwi mapatti anooli ku lubazu olo lwa cilundu, kaiimba. Nda syoma kuli musamu muniini wa cimvule kuya ku lubazu lumbi. Mu yanda kundi bona, boola buyo koonse okuya. Ndino kkede alya, nkeba swiilila.

¹¹ Pele mpawo cindi wasika mu palesi yako, cifumo cimwi, akweenda kuzwa mu kkota lya palesi yako; elyo kulaale kumusanza kubusenabumwi, kumusanza okuya mu zisaka, kuli kaanda kaniini kayakidwe kubusena bumwi. Njo . . . Enda mu

kkota lyako a kumvwa muntuumwi kaimba kuti, "Luzyalo lugambya, obo mbo lumvwika kabotu." Yebo wati, "Oh, Mukwesu Branham waka cibamba, nkaambo ngooyo we. Wa—wa kasika kumalekelo okuya." Aboobo Njo konzya kwiimba mpawo. Kusikila eelyo Nde elede buyo kupanga coongo calutangalo ku Mwami.

¹² Sa ta tukkomene? Ta tujisi cintu ca kulibilika, taakwe cintu. Tuli jatilide muli Kristo, katu kkede mu masena Aakujulu, mu luzyalo lwa Kukwempwa ndyoonya lino, kkede mu Busyu Bwakwe mu masena Aakujulu muli Kristo Jesu. Lufu lwini talu konzyi kutu guma. Kusimpwa kuzwa, taakwe cintu cikonzya kutupenzya, kukwabililwa buyo a kulindila Kuboola Kwakwe. Elyo tuli lumbide kuli ceeci.

¹³ Lino, Ndi jisi mamaile atandila ku mwaanda a makumi osanwe kweenzya sunumasiku, elyo kwamana kuswaangana. Elyo a nkamu ya bantu mbotu mbuli eyi, alimwi cinditolela ciindi cilamfu kutalika, elyo mpawo ziindi zyobile kulampa obo kuti uleke. Elyo aboobo Njo sola kunjila moonya mu kwaamba eco Nce kanza kwaamba, cakufwambaana mbuli mbo kukonze ka. Ndi yanda kulumba mweembeli, babeleka aamwi, ku ciindi eci ceelede kuboola kuno, kupa bumboni bwangu bwa luzyalo Lwakwe sunumasiku, mu mbunga eyi mbotu.

¹⁴ Nda katanta, ciindi cimwi cainda, kutala ku South Mountain, kalanga kunselelo ku kkuti. Nda kayeeya kutandila myaka ili makumi otatwe ayosanwe yakainda cindi Ne kasaanguna kunjila kkuti eli. Obo dolopo eli mbolya komena, lya sabalangana ncobeni konse ku Kkuti lya Maricopa okuno. Koonse nko konzya kubona, ndi dolopo. Nda kali kkede alya a mukaintu wangu, elyo Nda kati, "Yebo ulizi, oyandwa, antela kutandila myaka ili myaanda yotatwe yakainda, kwakanyina zya kuzundana omu cita babwa bamusokwe a ngulube zya kuyasa amyuumba, azimwi zimbi, moonse mu cisi. Elyo mpawo muntu wakanjila a kutalika kuyaka. Mpawo lusumpuko lwakatalika kusabalagana. Mpawo cibi a luuni zya kanjila."

¹⁵ Nda kayeeya, "Sa obu inga tii bwaba busena bubotuloko?" Nda kayeeya lyoonse kuti buzubabumwi Ndi yanda kkala mu Phoenix. Elyo mpawo Nda...kulanga aa kkuti, Nda kali kukonzya kutandila, mu moyo wangu, kulimvwa mbuli koomoka, kuti ino mbusena bubotu mbo buyooba ikuti na bwakali waano kakutakwe cibi.

¹⁶ O bo mbo baka bweza lukula akulu sandula kuba ii—ii zibeela zya kuponena! Sunu twa kali kweenzya koonse ku mutwe wa Ntunda ya nkamele, maanda mabotu kutala okuya, kutandila mbuli kuti mu njila paradaiso. Elyo mpawo inga caba cibotu, pele cibi cili waano koonse: maanda ama whisky, bwaamu, zintuzyonse buyo zilubide, misyobo yoonse ya zibelesyo, a tooze twa basinkondo, twa kuca buntu bwa bantunsi.

Mukaintu wangu wakati, “Mpawo nkaambonzi ncoli waano, Billy?”

¹⁷ Nda kati, “Oyandwa, kula siya. Pele, nywebo mulizi, kuli, moonse mu mudima oyo kumusanza okuya, kuli tusena tuniini twa Mumuni. Abo mbasale ba Leza. Elyo Ndili waano ku bikka ciwezo cangu a cabu, kubikka moyo wangu a yabo, jwi lyangu a a zyabo, a koompolweda mudima.”

¹⁸ Nke kaambo Ndili omuno mu Phoenix alubo. Akube kuti Leza wa Julu atu gwasye. Elyo busiku bwainda, a muswaangano wesen muniini oyo wakainda mu dolopo, kuzwa ku mbungano kuyaku mbungano, akati ka tubungwe toonse twa Makanimabotu aazwide. Elyo bakagolela a muswaangano wabaiminizi wa basimakwebo okuya ku Ramada. Ndi syoma kuti tuyo siya mpa awa, iyo amba kuti mu Mumuni muniini oyo waka sabalanganisigwa, kuti bantu banji bayo jana Kristo, bantu banji baciswa ba lusyomo bayo ponesegwa. Twa katalika kale kubona, kutondezya micelo.

¹⁹ Elyo Nda syoma, sunumasiku, ikuti na kuli umwi unga waboola omuno sunumasiku, kunsi lya kubambwa oku kwa—kwa ciyusilo ca busena obu, kuti cintucimwi ciyo ambwa mu lwiimbo, bumboni, na kubala kwa Ijwi, na cintucimwi, eco ciyo kucitya kuzwa ku mulyango koli muntu wandeene kwiinda mbo njila. Kotu gwasya toonse kucicita.

²⁰ Elyo lino katutana kuboola ku Ijwi, atu boole kuli Mukamwini kwiinda ku nzila ya mupailo. Atu kotamike mitwe yesu kwakaindi kaniini buyo. A mitwe yesu a myoyo kiikoteme kumbele lya Leza, sa inga kwaba nkumbizyo akati ka bantu sunumasiku, kuti ujisi cintucimwi cisalesale neco yanda kulomba Mwami ku kugwasya mukati? Tambika buyo janza lyako. Elyo kulaale kunsi kwa moyo wako, kwaamba, “Mwami, Üli zyi mbo ibede.” Nda lumba. Leza amu longezye.

²¹ Taata wesu Wakujulu, twa boola lino mu Zina eelyo lili jisilidi lyoonse, Mwami Jesu, mukuziba ceeci kuti Wa kasyomezya, “Ikuti na mwaloomba Taata cili coonse mu Zina Lyangu, ciyo pegwa.” Twa boola, lutaanzi, ku lyaambilila kuti twa kalubila. Twa kalubizya. Elyo kwiina wesu mubotu, kutali omwe. Elyo tu boola kulyaambilila zibi zyesu, mu Zina lya Mwami Jesu. Tu lombela kujatilwa.

²² Elyo Wa kabona maanza aa bantu, abo batambika sunumasiku, alimwi Nywebo mulizi eco cakali kunsi lya janza eelyo, eco neco baka bulide. Elyo Nda tuula mupailo wangu a yabo, kucibikka aa cipaililo Cako, a kulomba luse, kuti Yebo, Mwami, uyopa luse, alimwi uyo ingula nkumbizyo aimwi yonse.

²³ Tu yanda ku Kulumba ku mbungano eyi, ku beembeli bayo, a kuli basimbungano boonse, a bamadaikona boonse a basyomesi, a boonse abo baboola. Ba longezye, Mwami. Elyo tu lizi kuti

miswaangano yesu a kuboola antoomwe inga kwaba kwabuyo cakumaninina, ikuti na To tuswaangene a ndiswe.

²⁴ Aboobo twa komba, Taata Wakujulu, kuti tu jisi kaanzambwene lino kuti Uli andiswe. Kozumanana, O Mwami, kuba andiswe masiku onse. Kotu gwasya. Ikuti kuya, ku coolwe, inga kwaba baabo bakanjila kuzwa mu kagwagwa, na mikusi a mu tuzila twa nyika, obo bwakaliko, mu buumi bwabo, bwatuncimwa kuli Nduwe, akube kuti obu bube busiku kuti bayo amba kulijisilidi kwa “iiyi” kuli Leza, a kulipa, kulipa beni kuli Jesu Kristo.

²⁵ Ikuti na kuli balwazi akati kesu, Mwami, Nduwe Musilisi mupati Oyo utana sweekelwa kaambo.

²⁶ Tula yeeya buzuba mbo tuponamo, cindi malwazi a mudima usiyambi ano atala lya nyika. Pele tula yeeya alubo kuti cindi Wa kali kusololela bantu Bako, Musa waka bagwisya kuzwa—kuzwa mu Egepita, kubatola ku nyika ya cisyomezyo, alimwi lweendo lonse mu musinzo wa myaka ili makumi one. Elyo cindi niba kanjila mu nyika ya cisyomezyo kwakanyina umwi uukompeme akati kaboo.

²⁷ Mbangaye basilisi sunumasiku bayanda kulanga mu bulembu bwa busilike obo Musa mbwa kajisi, abo bakabamba bantu abo boonse kuba anseba mbotu kwa myaka ili makumi one kulampa. Elyo, nekubaboo, Tona cisisa. Wa ciyubununa kuli ndiswe toonse, alimwi cili lembedwe awa mu mapeegi, cabuubauba loko. “Ndime Mwami oyo uuponya malwazi anu oonse.” Akube kuti tumvwiye eco sunumasiku, Mwami, balwazi a babulide, a kuziba kuti kwiina bulwazi pele kuti Uli cisilisyo, kusilika kwa kobilo.

²⁸ Longezya kubala kwa Ijwi Lyako. Alimwi akube kuti myoyo yesu lino iselukile ku kusinizya kwa muswaangano. Kuzwa ku myoyo yesu mukuzulwa lutangalo ku kwiimba kwa Makanimabotu, a bumboni, a zimwi zimbi, tuli lumbide loko. Lino akube kuti tumvwiye Ijwi Lyako. Elyo kokanana kuli ndiswe, Taata, a kuleleka bulembu obu busyoonto obo bwaka bambilwa mangolezya, Nkambo twa cilomba mu Zina Lyakwe a nkambo ka bulemu Bwakwe. Ameni.

²⁹ Kuli bantu banji abo, baboola ku kuswaangana, layanda kulemba lyoonse eco mukutausi ncaealede kwaamba, na kubala kuzwa ku Lugwalo. Elyo ikuti na wacita ceeco, Ndi yanda kuti muvunune a ndime sunumasiku ku kubala buyo kuniini kajanwa omuya mu Bbuku lya Makanimabotu aa Musalali Matayo, cipati 15, kampango ka 21 kusika ku 28. Nda yanda kubala ceeci.

Mpawo Jesu wakainka okuya, a kuunka mu nkowme zya Taira ya Sidoni—Sidoni.

Elyo, mpawo, mwanakazi wa Kenani wakasika kuzwa ku nkowme nzyoonya, kaompolweda nguwe, . . . Kondi

fvida luse, O Mwami, yebo mwana wa Davida; mwana wangu musimbi upenzegwa maningi ku daimona.

Pele ta ka muvviila ijwi neliba lyomwe. Elyo basikwiya bakwe bakeza kuzo mulomba kabati, Ko mutanda; nkambo wa tusabila.

Pele wa kaingula a kuti, Nse tumidwe pele ku mbelele zisweekede izya ng'anda ya Israyeli.

Mpawo waa kasika a ku mukomba, kaamba kuti, Mwami, kondi gwasya.

Pele wa kaingula a kuti, Ta ceelede kuli ndime kubweza cinkwa ca bana, a ku cisowela babwa.

...waa kati, Mbwini, Mwami: nekubaboobo babwa balalya...tufwefwelenga oto tuwa kuzwa i ku tafule lya basimalela.

Mpawo Jesu wakavuwa ku mwaambila kuti, O mwanakazi, lusyomo lwako ndupati: akube kuli nduwe akwalo mbuli mbo yanda. Elyo mwana wakwe musimbi waka ponesegwa kuzwa ku oora eelyo ndilyonya.

³⁰ Ikuti na inga Nda ita cibalo eci, Ndi yanda kukanana asyoonto buyo, na kwa maminiti masyoonto, mubwini, aa ciyyo ca: *Kukakatila*.

³¹ Nda kayeeya, mukuba kuti Muka. McPherson a mbungano lyoonse yakaima munzila ya camba loko ku kuponesegwa kwa Buleza, alimwi ta tukonzyi kukambauka Makanimabotu azwide kakutakwe kukambauka kuponesegwa kwa Buleza, nkaambo ncibeela ca Makanimabotu.

³² Nda yeeya, mbuli mulombe muniini, kabala caano muli cimwi ca ma magazini, *Life na Look*, na bumwi bwa mamagazini ayo. Nda kali buyo mulombe muniini. Kuli mbabo kupanga mumuni wa Muka. McPherson, wa kukambauka kuponesegwa kwa Buleza, alimwi ba kaamba kuti waa kajisi i—i mancenjela ayo nga kacita. Kati, “Banakazi abo baka jisi ziboze; waa kabikka pini kunsi lya kanwe kakwe, nkabela banakazi bakabikka bbaluuni kunsi lya cikobela cakwe. Mpawo Muka. McPherson wakali kubikka maanza aa mwanakazi, akuyasa ka pini mu—mu bbaluuni, elyo ku popolola bbaluuni.

³³ Nda kali sizibi, pele Nda kajisi kuyeyya kubotu kwiinda ceeco, kuyeyya cintu cili boobo. Ikuti na kapini kakauma bbolabbontoni, inga lyabbotoka. Aboobo Nda kati, “Kwiina kuzumbaunya pele kuti mwanakazi oyo uciswa kupenzegwa.” Elyo mpawo, kuzwa ni Nda kaba mubelesi mu muunda wa masaansa, Nda mvwisya eco nca keelede kuzunda. Kwiiminina tusimpe, lyoonse ula sulaikwa kuli sinkondo.

³⁴ I bbala *sikukakatila* lyaamba kuba, Ndi yeeya kuti, kweendelana kuli Webster, “kutatanyana.” Kuba *sikukakatila*, “kutatanyana mu kuzwidilizya bukanze.” Elyo muntu aumwi

aa nyika, na wakasola kuba aa nyika, wakasola kuzwidilila mu cintu cimwi, kajisi . . . eco cakagwasya ku cintu cimwi, waka cita kuba sikukakatila. We elede kuba masimpe, lutaanzi, eco nco jisi lusyomo lwako kusimpwa mukati.

³⁵ Lino, lusyomo tacili buyo cintu eco cuubauka loko cabuteteete, a musyobo umwi wa ii . . . mbo tukonzya ku kwiita, mu bwaambwa bwa mu tugwagwa, kuti majwi amabibo. Lusyomo lukonzya biyo kuba abusena bwalo—bwalo bweelede cindi lwa bikkwa aa cintucimwi eco citonkomene.

³⁶ Ikuti na Nda kwaambila kuunka a kubikka janza lyako aa samu eelyo a kuponesegwa, inga wazumbauzya eelyo. Aboobo, nkaambonzi? Ta tujisi ntalisyo ku cintu cili coonse. Inga mwaba buyo a ijwi lyangu. Elyo ikuti na Nda mwaambila kuti kusanzya mu maanzi amwi okuno mu i—mu kkuti inga kwaleta kuponesegwa kuli ndinywe, inga lwa yaamina akumi kwa kaanzambwne nko kajisi muli ndime.

³⁷ “Elyo lusyomo lulaboola ku kumvwa.” Kumvwa nzi? “I Ijwi lya Leza.”

³⁸ Aboobo, ikuti na *Eli* ndi Ijwi lya Leza, alimwi Lili obo, eco Nco liyiisya kuti inga twa kkala ali Ndilyo. Leza takonzyi kucinca. Leza weelede kacili Leza kwalyonse. Ijwi Lyakwe lyeelede kuba lya bwini mu bukkalo obu mbuli mbo Lyakwe kabede lyoonse mu bukkalo buli boonse.

³⁹ Lino, tula gola. Inga twaamba cintucimwi mwaka uno, alimwi ndiza akwalo juunza kweelede ku cizwidilizya. Nkaambo, ta tuli masimpe loko, nkaambo tula gola. Tu yeeyela buyo. Elyo *kuyeeyela* buyo caamba “kucita cimwi kakutakwe kuzumizigwa.”

⁴⁰ Pele cindi Leza aamba cintu cili coonse, cili londokede. Ta elede ku cicinca. “Abrahamu taka zungaana ku cisymezyo ca Leza kwiinda mu kutasyoma; pele wakali muyumu, kalumbaizya Leza, nkaambo wa kalizi kuti Wa kali kukonzya kucita, na kubamba, na kucita ceeco Nca kasyomezya.” Mpawo, ikuti na Leza wasola kwiitwa aa cilao ku muzeezo, a muzeezo oyo Leza ngwa bamba, lutaanzi, weelede kaucili mbubonya kwalyonse. Ta cikonzyi kucinca. Ta cikonzyi kucincwa, nkaambo Walo mupatikampatila. Elyo kufumbwa cintu eco citagoli taakwe nicaka jisi matalikilo na magolelo. Aboobo Ta konzyi ku cijosya mwaka utobelwa, a kwaamba, “Nda kalubizya.”

⁴¹ Elyo mpawo ikuti na oyo wakali muzeezo Wakwe, mpawo muntu aumwi oyo upanga oyo nguonya, uh, liboola ku muzeezo oyo nguonya Leza ngwa kabambilu muntu omwe aa mbaakani ya lusyomo lwakwe, ku cisymezya, We elede kuyo swaana cintu eco nciconya ciindi coonse muntu acisyoma. Leza weelede kucita, ziindi zyoonse, nzila Mbwa kacita ciindi citaanzi, nape Wa kacita kulubizya ciindi citaanzi. Elyo nguni ukonzya kutamikizya Leza kucita cilubide? Leza weelede kacili a muzeezo Wakwe lyoonse.

⁴² “Ikuti na mwakonzya kusyoma!” Lino, kuzwidilizya cili conse, weelete kubikka bukanze a kwaamba, “Eci Nda cisyoma,” a kulyaanga kuli ncico, a kuzumanana kuyabuya, kuswena munsi loko kuli ncico, mukuziba kuti uli jisi . . . nko cili, mukuziba kuti kuli cintucimwi okuya nco boola.

⁴³ Mbuli mbo kwa kaambwa, mulombe muniini kajisi kaeti, kajisi katambo mu janza lyakwe. Wa kati, mwaalumi wakati, “Ino ujatilide nzi, mulombe?”

Wa kati, “Kaeti yangu.”

Wa kati, “Nse bwene cintu cita katambo.”

Wa kati, “Pele kuli kaeti ku mamanino ako.”

I mwaalumi waka lungumana, kati, “Ta ndibwene kaeti.”

I mulombe muniini wakati, “Ambebo Nse citi.”

Wa kati, “Ee, mbobuti mbozi kuti ujisi kaeti?”

Wa kati, “Nda konzya kwiimvwa kaikwela ku mamanino.”

⁴⁴ Ee, eyo nje nzila lusyomo mbo lubede. “Lusyomo ncintu ca zintu zilangilwa, cizibyo ca zintu zitabonwi.” Kufumbwa kuti wakkala lusyomo lwako ali ncico, elyo mpawo kusimpa kuli ndulo, ula boola kuli ndulo. Takukwe makani na to konzyi ku cibona, na pe, ulizi kuti nko cili nekuba. Ula kwelakwela kuli ncico, alimwi cila kukwela. Alimwi kufumbwa muntu muntu wakasola kucita cili conse ciyandisi, waka bikka bukanze, elyo mpawo bakatatanyana, kuba basikukakatil, kubamba ceeco: bantu batapi.

⁴⁵ George Washington, “wisi wa cisi cesu,” ula tegwa, cindi naka boola ku Kkuti lya Forge, kumane busiku boonse mu mupailo, kusikila wa kateta a caanda, aatala lya tusolo twakwe, kafugeme mu caanda, cifumo cakacilila wa kazabuka Delaware, kazwide zya caanda. Nkaambonzi? Wa kali sikukakatila. Wa kajisi bwiinguzi. Taakwe cintu ciyo ima mu nzila yakwe. Nekubakuti mabbaasi otatwe na one . . . ntobolo ya mululi mulamfu ya kajisimisyonga yakainda mu bbaki lyakwe, pele tii yaka munyonganya. Wa sola . . . Wa kali kuyanda kuzwidilila cintucimwi, alimwi wa kakomba kwiinda muli ncico, alimwi wa kali sikukakatila. Taakwe cintu cakaima mu nzila yakwe.

⁴⁶ Sa inga mwayeeyela Nowa mu mazuba akwe, obo Nowa mbwakali sikukakatila? Lino, wa kali mulimi buyo.

⁴⁷ Elyo ba kapona mu buzuba bupati maningi bwa kubbutukizya makani aa sayansi, antela, kwiinda mbo tujisi sunu, nkaambo mu mazuba ayo bakayaka mapiramidi. Elyo ikuti na umwi wanu waka jisi coolwe cakuba ku piramidi mpati yabana Egepita akubona Cibumbwa camabwe a zimwi, baa, cilagambya kubona. Obo mbo bakasola kujana myaala eyo mipati mujulu omuya mu luwo, kutandila bulamfu bwa mayake,

ba kali kulema mataani ali zyuulu! Sunu inga tii twa konzya kucitondezya. Ta tumvwisyi. Ba kajisi cintucimwi.

⁴⁸ Ba kajisi mubala. Ba kajisi cintucimwi ncobakali kukonzya kucita imbaumu mibili, eco cakali kuubamba kubone kabotu loko kwa zyuulu zya myaka. Ta tujisi arti eyo, mibala, azimwi zimbi, nzo baka jisi; bukkalo bupati bwasayaansi.

⁴⁹ Pele buzuba bumwi, kuciindi Nowa nakali mu i—i muunda, ndiza kubamba zisyangyo zyakwe, Leza wakalibonya kuli nguwe a kumwaambila, “Kolibambilu ku kuvuna beng’anda yako, a kuyaka bwaato. Elyo iyowa mvula.”

⁵⁰ Lino, toonse tu lizi obo, inyika ya zambangulwe pati, tii yakawide mvula. Elyo lino, eco tii caka zuminana a basikuyeeya ba sayansi ba buzuba obo. Mulumbe Wakwe wakaliimpene. Kwiina kuzumbaunya kuti basayansi bacenjede bakali kukonzya kusika kuli nguwe a kwaambla, “Lino, langisye awa, Ba. Nowa. Lino tuli jisi zibelesyo nzo tukonzya kudubula mweezi, alimwi inga twa cita zyoonse ezi zya kubbutukizya kwa sayaansi. Elyo kwiina maanzi kujulu okuya. Elyo mbobuti mbo kuyo boola maanzi ali oonse kuzwa kokuya, kakuli taakwe maanzi kujulu okuya akuseluka? Muli bafubafuba. Mu cita cintucimwi eco ciliko. Kunyina maanzi kujulu okuya.”

⁵¹ Pele Nowa wakali kukonzya kwaambla kuti, “Leza wakati iyowa mvula, nkabela eco cila cibamba. Leza wakaambla booboo.” Ii myaka ili mwaanda a makumi obilo, wa kali sikutatanyana mu busyu bwa inyika yasayaansi iya buzuba bwakwe, kaci taminina kuti Mulumbe wakwe wakali luleme nkaambo Wa kazwa kwa Leza. Wa kajisi bukanze bwakubamba. Wa kajisi Mulumbe waku mamela, nkabela wakali sikutatanyana mu kucita booboo. Takukwe makani eco bamwi ba inyika ncoba kaamba, Nowa wakamvwa kuzwa kuli Leza. Nkukoonse oko kwa kajisi makani kuli nguwe. Wa kamvwa Jwi. Wa kali masimpe kuti Wa kali Leza, alimwi wa kali kulibambilu cintucimwi eco cakali kuboneka bufubafuba loko ku inyika. Pele, nekubabooobo, Nowa wakalizi kuti Leza uyo bamba Ijwi Lyakwe.

⁵² Sa eco ta ceelede kuba ciiyo kuli ndiswe sunu, oora? Mbuli Jesu mbwa kaamba, “Mbuli mbo kwakabede mu mazuba akwa Nowa, mbubonya mbo kuyooba ku kuboola kwa Mwana wa muntu.” Ii Mulumbe wabufuba ku inyika, taba Umvwisyi, pele nekubabooobo abo baka swaana Muuya Uusalala, balizi kuti Uyo bweeda alubo.

⁵³ Nda konzya kubona bantu mbuli mbo bakatondezya Nowa mudaala mucete, kutandila obo kunji mbwa takali kuwa, a zya inyika a zintu zicitika. Pele Nowa, waka cili sikutatanyana, waka jatilila ncobeni.

⁵⁴ Buzuba bumwi Leza wakati kuli Nowa, “Ncibotu, wa cita cibeeda cako lino. Lino boola mu bwaato, yebo a beng’anda yako.” Elyo i... Kabona i—i bayuni baka talika kuuluka mukati,

elyo—elyo banyama baka talika kunjila, kwiinda kuli bobilo a bobilo. Nowa a mukwasyi wakwe waka njila.

⁵⁵ Elyo lyoonse kuli basyomi baakatikatiki, Nda baita; bantu bayo boola ku mbungano, bayo botelwa mulumbe ndiza kuzwa ku kkwaya na kuzwa ku baimbi, kuzwa ku mukutausi, na bumboni. Bayo cibotelwa, pele, kuboola mukati a kuba cibeela ca ncico, taba kaciciti buyo. Bala yanda kuswiilila, pele taba kabi cibeela ca ncico. Taba yandi kulizibya a mbabo. Ba yanda kukkanla ku lubazu lumwi. Obo mbo cakabede lyoonse, alimwi kwiina kuzumbaunya kwakali mu buzuba obo.

⁵⁶ Mpawo cindi mulyango wa bwaato nowakajalwa, bunji bwa bantu abo bakati, “Ee, atu unke atala a kwiimila koonse, lino, ikuti na caboola kucitika ceeco, kupa mukozyanyo, mudaala wakali luleme. Toonse twa kabaanga twa kayeeya kuti mulombwana mudaala wakali nyongene anini, pele Nda—Nda—Nda botelwa kuswiilila kuli nguwe kukambauka, nkeimvwi alya ku mulyango. Elyo lino tu lizi kuti cintucimwi cakajala mulyango oyo. Lino, walo mudaala mubotu. Elyo ikuti na cacitika kuba, maanzi akalaseluka awo, baa, baa, inga wa tutola mukati.” Nywebo mwabona, tamu yandi kusyoma . . .

⁵⁷ To yandi kuminwa bubotu bwa Leza. Yebo uyanda kuba masimpe kuti waboola buyo mukati kuciindi nojisiciindi ceelede ca kunjila.

⁵⁸ Mpawo, cintu citaanzi nywebo mulizi, buzuba butaanzi, amulange obo Leza mbwa bikka kuminwa kwa bantu Bakwe, ciindicimwi, Inga ndayeyela, buzuba butaanzi, Nowa wakati ku mukwasyi wakwe, “Ncibotu, lino tuyu tanta mu matantilo. Lino, cifumo, milengalenga iyo siya. Taakwe nokwakali kusiya. Ta tuna ibona. Mvula iyowa. Lulabo luyo fumpa milengalenga.” Elyo cifumo cakatobela kwazwa zuba. Taakwe citondezyo. Buzuba boonse, Nowa a mukwasyi wakwe bakalanga. Ee, zintu zyaka zumanana mbubonya buyo nzila mbo bakacita.

⁵⁹ Nda ezeezya basyomi baakatikatiki bakati, “yawe, mulombwana mudaala wakali lubide.” Ba kazumanana kujoka ku dolopo lya musika mupati, kabalya, kunywa, a kuba kuliboteleyza.

⁶⁰ Nda ezeezya, mukwasyi wakwe, obo kuminwa mbo kweelede kuti kwakali aa mwaalumi. Pele ta kaleka akutalika kukonkomona aa mulyango, a kwaamba kuti, “Bantu, kupa citendele kujuka. Nda kali lubide.” Nkaambonzi? Wa kalizi kuti waka jisi bwini, alimwi wa kajatilila kuli mbubo.

⁶¹ “Ikuti na tiiyawa sunu, liyo cita juunza.” Nce ncico. Yaa.

⁶² Mpawo buzuba bwabili bwakasika, elyo tula bona zuba lyakazwa. Lya kazabuka mbubonya buyo mbolya kacita buzuba abumwi. Taakwe citondezyo ca mvula. Nekubaboo wa kali kakatizya. Kuyabuya ku mazuba ali ciloba, Nowa wakali kkede mpoonya awo, kati, “Ikuti na niya wa sunu, iyo cita

juunza.” Mwabona, wa kali simpidwe. Wa katatanyana, kuba sikukakatila, nkaambo wa kalizi kuti Leza wakaamba boobo, alimwi ca keelede kuba munzila eyo.

⁶³ Lino, kumalekelo, aa buzuba bwaciloba, cindi naka sondela aanze lya mpulungwido, milengalenga yakali kusiya. I muuwo wakali kuunga atala lya zilundu. I masamu akali kuumana. Bantu bakali kukwiila, mukutaziba eco cakucita. Elyo nikwakainda kaindi, madosi mapati ncobeni aa mvula akatalika kupasuka kuyaansi kwa ciindi citaanzi, kuuma mu tugwagwa. I zimbotela zyakazula. Toonse tusensa twa kapasuka. I maanzi akatalika kuvula. Bantu baka njila mu maato abo, nkabela bakanyikizigwa. I myuuwo yakali mikali. Elyo cakasakana maningi, a kusakana loko, a kusakana loko. Kwiinde kaindi, akatalika kusika ku bwaato. Wa kalangilila mpulungwido.

⁶⁴ Kumalekelo, bantu kabakwiila, kwiina nzila kuli nguwe ya kutambikizya a kuba njizya. Wa kali kulaale mu kaanda kamujulu. Ba kali bisizye kuzwa ku buzuba bwabo bwa luzyalo. Kwakanyina limbi caka siilwa mbabo. Ciindi cakali manide kale mpawo. Kumalekelo, ino nkulimvwa nko kwakali kweelede kuba, kuli Nowa, cindi na kalangilila aa kagwagwa a kubona maato maniini oonse, naa akapangwa aa Leza na pe.

⁶⁵ Nywebo mwabona, bantu bayeeya eco sunu. “Bala konzya kuyaka bwaato bwabo beni. Bala konzya kupanga lufutuko lwabo beni.” To konzyi kucicita. Leza waka tubambilalufutuko, alimwi tweelede ku cizumina. Bwaato bwakapangwa aamuntu buyo tabu kaimi. Kufumbwa cintu eco muntu nca konzya kuzwidilila, eco ciimpene ku luyando a Ijwi lya Leza, ta cika imi.

⁶⁶ Pele obo mbo cakeelede kuba cindi Muka. Nowa a muka mwana wakwe, a—a bana balombe—bana, abamwi bambi, cindi niba kabona aya maanzi kaboola ku bwaato, nkabela bwaata bwakacili kkede kabotu. Pele kwiinde kaindi baka bumvwa kabuzwa. Bwa kali kwiibuka. Oh, Nowa wakalizi kuti koonse kwakwe, eco nca kasola kuzwidilila, eco nca kacita, Mulumbe wakwe wakali kubbadelela mpawo. Bwa kaangululwa. Wa kali kuzwa a nyika.

⁶⁷ Mbili mbo cibede cindi muntu akkala, kutali kuboola a kusukana maanza a mweembeli, kubikka zina lyakwe mu bbuku, pele cindi akukkala alya mane wamvw cintucimwi kwanguluka mukati kakwe, elyo wa katalika kwiimpauka kulaale ku lusyomo, mukuziba kuti zibi zyakwe zyakamana, alimwi wa kasimpa buntu bwakwe muli Kristo, alimw kuli cintucimwi cimu sumpula atala a atala loko; sikutatanyana, sikukakatila.

⁶⁸ Musa wakali sikukakatila loko, nakamana kuselemukila mu Egepita a kujaya muntu, a lwiyo lwakwe loonse a kwiiya kwakwe. Elyo nekubaboobo wa kacita cintu cilubide, wa kasola, nkaambo wa kasyoma muli ceeco nca kakonzya kuzwidilila ku

Iwiiyo lwakwe a kuli bakwe beni... Twa kaambilwa kuti wakali muntu simpi. Elyo eco nca kayisigwa kucita, tu jana kuti caka kakilwa. Elyo cindi nicaka kakilwa, ta kakakatila ali ceeco, wa kazuzila mu nkanda kwa myaka ili makumi one.

⁶⁹ Pele ciindi cimwi wa kaswaana Leza mu citeo ciyaka mulilo, kasamununa mabbusu akwe, wa kabona bulemu bwa Leza. Wa kabona kasamu kakayumu kasanduka kuba nzoka, a kujokela ku kasamu alubo. Wa kabona janza lya sicinsenda kali ponesegwa ku nguzu zya Leza. Elyo wa kamvwa Jwi lya Leza kali kanana kuli nguwe. Taakwe cintu ciyo mulesya mpawo.

⁷⁰ Nda ka mu pandulula kanji. Nda syoma taili nzila ya kusanka cisetekene. Ii mudaala, myaka ili makumi ali lusele yakukomena, a mukaintu wakwe kakkede katantide kambongolo, a ii—ii mwana aa kasolo kakwe. I buzuba bwakatobela... Elyo cilezu kacilengelela ansi, kasamu mu janza lyakwe, kuunka, meso akwe akabambwa, alimwi—alimwi ku mulengalenga, a cilezu cituba kacipepele.

Elyo muntuumwi wati, “Uya kuli, Musa?”

⁷¹ “Ndiya kumusanza ku Egepita, kuya kutola bweendelezyi.” Ii kusaala kwa muntu omwe, cakali kuboneka bufubafuba. Pele nzila zya Leza, ku mizeeo yakunyama, mbufuba. Pele nciyandisi kuli baabo bajatilila muli ncico. Ba lizi eco nco baambaula. Bala bindaanina. Oh, ino ncintu mbo cakeelede kuba! Nowa na...

⁷² Musa, mubwini, kaselemukila ku Egepita, cisi cakayoosya nyika, kutandila mbuli Russia sunu. Ii kusaala kwa muntu omwe, mudaala, myaka ili makumi ali lusele yakukomena, a mukaintu wakwe kakkede aa kambongolo, a kasamu kapilingene mu janza lyakwe, kaya buselemuka kutola bweendelezi. I cintu, ceenzu kujatikizya ncico, ku inyika, wa kacicita. Wa katola bweendelezi.

⁷³ Leza weeleda biyo kuba a muntu omwe, muntu omwe, kubusenabumwi, oyo ulaangidwe kuli Nguwe, muntu umwi uuui mpo baimvwi akuba sikukatila. I kupenzegwa mpawo, Iwandaano, talu bapenzyi pe, pee. Kuunka kunselelo kuyo tola bweendelezi, nkabela wa kacicita.

⁷⁴ Ca kaboneka bufuba loko cindi nikwa kaimvwi muntu wa kulampa kwa tukokola tuli kkumi atone, na kwiinda. Nda syoma, tunwe twakwe, kulampa kwa mainci ali kkumi aone; a sumo mu janza lyakwe, mbuli nyeleti ya musumi, antela cisela kuzwa awa kuya ku mulyango kubusena okuya; kaimvwi okuya, a kuzundikizya Israyeli. Kwakali Saulo ku lubazu lumbi, mutwe a makuko atala lya mpi yakwe, muntu waka yiisigwa, boonse babo bakaiya kabotu, bak bbingila. Mbo mbubo.

⁷⁵ Elyo dyabulosi wakali kuyanda kupa muzeezo kuli mbabo. Eyo nje nzila dyabulosi nja cita cindi ayeeya kuti ujisi lubazu lubotu maningi. “Ko boola. Tu tatili bulowa. Bobilo buyo besu. Ikuti na Nda zunda muntu wanu, mpawo tuy... moyo tu

belekela. Ikuti na wa ndijaya, nkokuti kuyooba biyo omwe wesu uyofwa mucibaka ca impi zyesu." Ino muzeezo ngwa konzya kubamba! Bantubonse bakali yoowede kufwa.

⁷⁶ Elyo cakali kuboneka bufubafuba kubona mwana muniini, wa ziwezo zidiimene kaboola kasamide cikutu ciniini cambelele, i nkwilipo yakaangidwe ku lubazu lwakwe, a zibunge zya raisi mu janza lyakwe, kuya kubona babunyina bakwe. Elyo oyo dyabulosi wakabamba kulikankaizya kwakwe kumbele lya muntu wa Leza, ciindi cimwi, nkabela wa kaita janza lyakwe ali ndilyo. Nkaambonzi? Wa kalizi kuti Leza wakali ni. Kati, "Ndiyo... Yebo waamba kundaambila kuti uyo lekela impi ya Leza muumi kulekela oyo mu Filisiti uutapalwidwe kasampaula impi zya Leza muumi? Ndiyo unka nka mulwana." Oh, ma! Nkaambonzi? Wa kali sikutatanyana.

⁷⁷ Babunyina bakwe bakati, "Yawe, tu lizi uli sinciki. Ko zumanana kujokela ku muunzi a mbelele zya bataata nzowaambila kweembela. Wa boola buyo awa kuzobona nkondo." To konzyi kwiindilila kwaamba mbuli muntu wa Leza, cindi cintucimwi nicaka citika kuli nguwe.

⁷⁸ Aboobo wa kaunka kuli Saulo. Saulo, Nda yeeyela, kakwezya mutwe wakwe a kulanga ansi. Wa kati, "Nda nyomenena camba cako, mulombe, pele oyo muntu ngu silumamba. Oyo muntu ngu silumamba, kuzwa ku bukibusyi bwakwe. Elyo toli cintu pele mukubusyi, nkabela tozyi cintu kujatikizya nkwilipo na kujatikizya sumo, na nzila ya kulwanya zibelesyo."

⁷⁹ Oh, pele amu mulangilile kazibya cintucimwi. "Mulanda wako waka bamba mbelele zya taata." Elyo wa kati, "Buzuba bumwi masekese waka njila nkabela wa kabweza kamwi katubelele twa bataata, elyo Nda kamutobela, nkabela Nda kamujaya. Elyo mpawo mulavu wakanjila a kubweza omwe a kumutola kubusena, nkabela Nda kamutobela, nkabela Nda kamujaya. Lino," wa kati, "i Leza oyo wakandipa luzundo kuli masekese a ku mulavu, nkunji buti Nkwaya kundipa kuzunda kuli oyo mu Filisiti uutapalwidwe oyo uli musampaula impi ya Leza muumi!"

⁸⁰ Saulo wakati, "Pele uli mwana buyo." Wa kati, "To jisi cintu, cikutu buyo ciniini cambelele. Amulindile, Njo—Njo kusamika zilwanyo zyangu."

⁸¹ Aboobo wa kamutola a kumusamika zilwanyo zyakwe. Sa inga mwayeeyela? I Bbaibbele lyakati wa kali "uugalankene," muntu muniini loko, ndiza wa mapaudhi aali mwaanda a kkumi, kasama zilwanyo zipati ncobeni zya muntu unga walema kutandila makumi obilo aosanwe, kutandila kulampa kwa tukokola tuli ciloba a-cintucimwi kulampa. Wa kali pwaidwe koonse. Sa inga mwayeeyela eco?

⁸² Davida wakalanga koonse. I ziwezo zitandila kulampa *boobu* ku kusika. Alimwi cakali kulibonya mbuli musinsi ngwa kasamide, kaulengelela ansi mbuli obo, cakusama cakaango kakwe. Wa kajana kuti cikobela cabupaizi tii cakeelela ku muntu wa Leza. Uh-huh. Kati, “Ko ndisamununa cintu. Ta ndizi cintu kujatikizya ncico. Pele ndilekele ndiinke aceeco Nce zyi kuti cili luleme.” Mpaawo we. Wa kanjila mu nguzu zya Muuya.

⁸³ Nda syoma wakali Hudson Taylor lumwi wakati kuli missionari muna Chainizi. Oyu mulombe muna Chainizi wakati, “Ba. Taylor, Nda kamvwa kwiitwa kwangu muli Kristo.” Wa kati, “Sa Ndi inke eno nkaiye kujana Digrii lyangu taanzi lya Arti, elyo mpawo ku Ph. D., a zyoonse Nze elede kuba azyo, digrii lyangu lya bwiiyi?”

⁸⁴ Ba. Taylor bakati, “Koya lino, mulombe. Koya lino. Uta lindili mane ciindi eco casika. Uyo sowa kunji loko kwa buumi bwako.”

⁸⁵ Ndi yeeya kuti cili luleme. Nda zuminana a Ba. Taylor. Koya lino. Nse soli kwiiminina kutaziba kwangu lino kwiinda mukusola kwaamba kuti tatu yandikani lwiyo. Eco inga caba abusena bwaco. Pele lwiyo kakutakwe lufutuko talukwe nkasi. Zyoonse ziya kweenda nkabela taakwe nkasi. Koya cindi nkendulo yayasigwa. Uta lindili mane yapya cisela. Koya cindi wai yasya. Ikuti na tozyi buy kwii yasya, kwaambila bamwi nzila mboya kayaka, ndiza bayo yaka abalo. Mwabona? [Kabeela katakwe cintu aa teepu—Mul.] Aboobo nkendulo mboya yakila buyo, koya kaambile bantubonse nzila mbo wayasya nkendulo yako, alimwi ndiza bayo yaka iyasya kuli nduwe. Mwabona? Amubone.

Nincobeni, Davida wakali sikutatanyana, nkaambo wa kalizi.

⁸⁶ Samsoni waka zulila mu muunda buzuba bumwi a ba Filisiti bali cuulu kaba muzungulukide. Elyo kalanga koonse i... Ta kali muntu wakayisigwa oyo wakaziba nzila ya kulwanya zibelesyo. Pele cindi na kanyona mutwe wakwe wa kamvwa cipangano eco, zyalo zyoso zyakauma makuko akwe. Nku koonse nkakali kulimvwa. Wa kajana cintu citaanzi mu janza lyakwe, wakali cifuwa ca mwheebo wa mbongolo, nkabela wa kazunda ba Filisiti bali cuulu. Nkaambonzi? Wa kali sikutatanyana nkaambo wa kalizi kuti Leza wakabamba cipangano a nguwe, ca zyoso ezyo zili ciloba. Kufumbwa kuti zyakali kulengela mu busena bwazyo, taakwe cintu cakali kuyo mupenzya.

⁸⁷ Oh, mukwesu, mucizi, obo Mbungano ya Leza muumi mbo yeelede kwiima sunumasiku, akutatanyana. Kufumbwa kuti twa konzya kumvwa cipangano ca Muuya Uusalala, Bulowa bwa Jesu Kristo bulu tusalazyu kuzwa ku zibi zyoonse, ta tweede

kulekela cintu kwiimikila mu nzila yesu. Nkutatanyana, nconzyo.

⁸⁸ Johane, musinsimi mupati oyo wa kaambwa, kuyo buka; cindi na kali mu nkanda, wa kaambilwa aa Leza. Ba kali kulangila mesiya, mubwini; myaka ili myaanda yone kabatanaba a musinsimi. Pele, Leza waka mwaambila, mu nkanda, Wa kati, “Lino, bayo sola ku kwaambila, ‘Dr. *Niini-a-niini* mulombwana weelede kuba Mesiya, ikuti na weelede ku Mwa ambilizya. Baa, walo muntu mubotu maningi mu mbunga yesu.’ Elyo bayo amba kuti, ‘Ee, i—i muzukulu wa mupaizi mupati kutala okuno, walo—walo mulombwana weelede kuba a ncico,’ abumwi bumbi. Pele, amulange, Johane, eyi ni ncito ini. We elede kuba masimpe, aboobo Ndiyo kupa citondezyo. Atala ali Nguwe mpoya kubona Muuya kauseluka a kukkalilila atala, oyo uyooba Umwi uyo batapatzya a Muuya Uusalala a mulilo.”

⁸⁹ Johane wakaima awo, kalangilila mbunga mbuli mbo bakali kusika. Elyo wa... Bantubonse kababoola kuli *eci*, *eco*, a *cimbi*. Pele ta kakonzya ku Mu bona. Buzuba bumwi, kuciindi nkeimvwi, kabakazyanya a mupaizi, kwaamba, “Yebo waamba kundaambila kuti ciindi ciyo boola cindi cituuzyo ea mazuba ononse ni ciyo gusigwa?”

Wa kati, “Kuyo boola Muntu.”

⁹⁰ Elyo wa kalanga. Nceeco mbo cakabede. Kati, “Amubone, ngooyo Kabelele wa Leza uugusya cibi ca inyika.”

⁹¹ Wa kali cizi nkaambo Leza waka mwaambila, “Ali Oyo ngoya kubona Muuya kauseluka.” Wa kali cizi. Wa kali sikutatanyana.

⁹² Kujoka ku mwanakazi oyu muniini. Tu jisi buyo zintu zinji nzo tukonzya kwaamba kujatikizya bamwi bandeene bakali basikukakatila, basikutatanyanaa, kujatilila, ku kuzwidilila.

⁹³ Ndi jisi kaambyo kaniini, ako Nke kaamba kakubwene. Inga cabota kuli nduwe ku kabweza. “I sikuzwidilila taakwe naleka pe, alimwi sikuleka taakwi nazwidilila pe.” Amu ciyeeye buyo. “Ii sikuzwidilila taakwe naleka pe, alimwi sikuleka takonzyi kuzwidilila.” We elede kujatilila. Elyo kotana akwalo kutalika, koba masimpe cakumaninina kuti uli luleme. Elyo mpawo kotatanyana, talekeli cintu kukupusya. Kozumanana. Nda kajisi luzibo lukubwene lwa ceeco, nkabela muli lizi. Ndi lizi cintu eci comwe, cindi wano waba masimpe cakumaninina kuti uli mu luyando lwa Leza, cindi wanooli masimpe cakumaninina ulasimpikwa mu Kalivari, taakwe cintu ciyo kugusya. Nkoli omuya.

⁹⁴ Oyu mwanakazi muniini, waa kali muna Griki, a muna Sirofonika, alimwi waa kamvwa makani aa mpuwo ya Jesu. Lino, mbobuti lusyomo mbo luboola? Ku kumvwa, kumvwa kwa Ijwi. Waa ka Mu mvwa. Elyo nywebo mulizi, kwayanda wakajisi zintu zinji zya kumusinkila, kwiinda kuli nguwe kuba mu Griki. “Lusyomo lulaboola ku kumvwa.” Tu lizi obo. Elyo waa kajisi

i—i zintu zinji zya kumusinkila, pele lusyomo lula jana kasensa awo atakwe muntu uumbi uuzi cintu cili coonse.

⁹⁵ Lusyomo lula jana kasensa aka kakuti taakwe muntu uukonzya ku kapandulula. Ncintucimwi eco ncozi. Bamwi taba konzyi kucibona, pele lusyomo lula cibona. Lusyomo lubona ceeco, awo liso lya kunyama mpo lita ciboni. Pele liso lya mukati libona cintu eco.

Lino, waa kajisi kubula kwa Jesu. Waa ha- . . .

⁹⁶ Cintu citaanzi ncoelede kucita, ikuti na uyo jana Kristo, weelede kuziba kuti ujisi kubula Kwakwe. Cindi wayeeya kuti to Mu yandi buyo, mpawo toka Mu jani, nkaambo to Mu yandaauli kabotu.

⁹⁷ Sena mwakabona kuti Lugwalo awo mpo lwaamba kuti, “Amu yandaule nkabela muyo jana, amu konkomone nkabela kuyo julwa”? Mubwini, oko takuli kukonkomona buyo, mbuli [Mukwesu Branham wakonkomona aa cikambaukilo lomwe—Mul.], nkabela ciyo julwa. Oyo utaambi buyo kuti, “Ee, Nda kazwa, Mwami. Mpaawa Mpendi. Ula yanda na?” Peepe, eco tacili ncico. “Oyo uyandaaula, oyo ukonkomona,” kuzumanana. [Mukwesu Branham wakonkomona aa cikambaukilo ziindi zisyoonto.] Ce elede kweendelana a Magwalo amwi.

⁹⁸ Mbuli mubetesi uutaluleme a mukamufu. Waa kazumanana kukonkomona aa mulyango wakwe. Waa kali sikutatanyana. Ikuti na wa mutanda sunu, juunza waa kali mu maanza akwe alubo.

⁹⁹ Eyo nje nzila njo yanda kujana Leza. Amube mu maanza Akwe, cifumo acimwi, busiku abumwi, buzuba abumwi, ciindi coonse, cakuzumanana. Kuzumanana buyo kuyandaaula, kuzumanana kulomba, kuzumanana kukonkomona. Uta konkotola buyo kaindi kaniini, a kukatala a kuzwa. Kozumanana buyo kwiimikila alya, “Mwami, Ndili waano, alimwi Nse kazwi. Ndili mu maanza Ako lino. Ndiyo kkala mpoonya awa. Muya bukatala kusuilila? Ndi jisi ciindi cipati ca kukonkomona, nkaambo Ndi lizi kuti Ula boola.” Amen. Eco nce cindi cintucimwi nocicitika. We elede ku kugusya kuzwa mu janza Lyakwe, mwabona, aboobo Ula boola ku kuvviila. Lino, lusyomo lula jana eci.

¹⁰⁰ Ijwi Lyakwe ndi Cceba. I Bbaibbele lilaamba, mu Bahebrayo 4:12, kuti, “Ijwi lya Leza lilabosya kwiinda cceba lya mabemba obilo.”

¹⁰¹ Lino, kuli cintu comwe biyo cikonzya kujatilila Cceba eli. Eelyo ndi janza lya lusyomo. I janza lya lusyomo nce cintu cilikke eco cikonzya kupa cceba eli lya lusyomo, cceba lya Ijwi. Lino, inga kono jisi kuboko kukompeme, kunji buyo ku libweza ku kululamikwa, uli kompeme loko. Ndiza nku koonse nko konzya kudonkola. Pele eli cceba lya Ijwi liyo angulula zisyomezyo zyoonse ezyo Leza nzya kabamba muli Ndilyo, ikuti

na bajisi kuboko kubotu kuyumu kwa lusyomo ku lijatilila alya. “Nda syoma Leza ku kuponesegwa kwangu. Nda syoma Leza ku lubbizyo lwangu.” Leza wakapanga cisyomezyo, nkabela lusyomo lujata Cceba eli, liyo mugonka kuzwa ku Mwaala kulaale. Cisyomezyo coonse ca Leza inga ca angululwa, kwiinda ku Ijwi lya Leza, nkambo ndi Cceba.

Waa kajisi zisinkila zinji, pele lusyomo lwakwe tii lwaka jisi nociba comwe.

¹⁰² Inga kono jisi zisinkila zinji. Muntu oonse oyo uutalika kubeleka Kristo uyo kujana zisinkila zinji, pele lusyomo lwako talu jisi nociba comwe. Lusyomo talu jisi cisinkila. Lusyomo lujisi masusu aa kaango kalo, milambi mipati ncobeni.

Kaambo nco lubuka a kuti, “Nywebo mulizi, cila buyeeye kabotu.”

¹⁰³ Lusyomo lukwela milambi yakwe kujoka a kudukumika camba calo cipati, a kwaamba, “Koumuna. Kokkala.” Elyo kaambo kala sotokela mu kkona a kubweza kauno kakwe. Yaa. Lusyomo lu jisi milambi, alimwi lwalo—lwalo lupandulula eco nco lwaamba.

¹⁰⁴ Eco nco tu yandikana sunumasiku. Eco nce ncico mbungano ya Foursquare ncoibulide. Eco ncencico nkamu ya Pentekoste ncoi yandikana. Eco ncencico inyika yoonse ncoi yandikana. Nce ncico Nce yandikana. Nce ncico ncomu yandikana. Elyo twe elede kuusa nsoni ku cizumina, pele tu yandikana lusyomo luyo jatilila Ijwi lya Leza a kwaamba kuti Ndyo bwini. Swaana dyabulosi a kwaamba, “MBUBOOBU MBWAAMBA I MWAMI.”

¹⁰⁵ Nda kali kubala buzuba bumwi oko muntu nkawaki dyabulosi waka muwida kumbele. Elyo kati, “Wa kali buyo dyabulosi muniini wakaindi loko, nkabela wa kati, ‘Bbuu.’”

¹⁰⁶ Kati, “Nda kasotokela kusule.” Elyo kati, “Wa kati, ‘Bbuu.’ Nda kasotokela kusule. Ciindi coonse wakali koongolola kuti, ‘Bbuu,’ elyo Nda kali kunga ndasotoka kusule, wa kali kunga waba mupati loko elyo Nda kali kunga ndaba muniini loko.” Elyo kati, “Wa kazumanana kwaamba kuti, ‘Bbuu.’” Kati, “Nda kali kuceya loko cindi conse Ne kasotokela kusule, walo wakali kukomena loko.”

¹⁰⁷ Kati, “Nda kalizi kuti Nda keelede ku mulwana, kwainda kaindi.” Kati, “Nda kalanga koonse, kayeeya, ‘Inzi?’ Nda kajana Ijwi lya Leza.” Kati, “Nda kali vungaila mu janza lyangu. Elyo dyabulosi wakati, ‘Bbuu.’ Elyo Nda kati, ‘Bbuu,’ kusule.” Elyo kati, “Cindi ni Nda kati, ‘Bbuu,’ kusule, ziindi zyoonse Nda kati, ‘Bbuu,’ wa kaba muniini loko nkabela Nda kakomena maningi.” Nce ncico. We elede ku mulwana, cakufwambaana loko na akale.

¹⁰⁸ Nywebo mulizi, bantu taba syomi kuti kuli dyabulosi. Nda mubbutukizya kanji, ciindi coonse, uh-huh, ku munjila buzuba abumwi. Kufumbwa musyomi umbi ulacita. Iiyi, weeleda ku

mulwana, cakufwambaana loko na akale, aboobo inga akwalo wa talika ndyoonya eno. Kuli cintu comwe biyo nca yoowa, bwalo Mbulotha obo a Ijwi eelyo. Lusyomo lula Lu jatilila. Lwalo nduyumu, kuya bumacching'a.

¹⁰⁹ Lino, tu jana kuti, oyu mwanakazi muniini mu Griki, mbuli Mbwe amba, waa kajisi zisinkila zinji, pele lusyomo lwakwe tii Iwaka jisi nociba comwe. Lusyomo talu jisi zisinkila zili zyoonse. Antela ba kaamba kuli nguwe kuti, "Sena ulizi kuti ulimu Griki? Uli—uli—uli mu Griki. Yebo ulizi, to zulilwi ku kabungwe Kakwe. Uta selemuki kuya ku nkamu eyo."

¹¹⁰ Lino, eco ncimwi ca zisinkila. Mwabona? Pele ikuti na ujisi lusyomo, uya buya, nekuba. Eco tacibambi lwandaano luli loonse, kabungwe nzi Mwa bede, mbubonya buyo Mpali awo.

¹¹¹ Waa kajisi kubula. Waa kajisi mwana musimbi wakali kufwa ku kasuntu. Elyo waa kacita kusika kuli Nguwe, nkaambo bamadokotela tiiba kakonzya kumu citila cintu. Konzyi kucicita. Aboobo waa kacita kusika kuli Jesu. Waa kamvwa kuti Wa kaponya musyobo oyo wa zilwazi.

¹¹² "Ee," ba kati, "Walo, Tali—Tali... Ta kaboola a lubukulusyo Lwakwe ku tubungwe twanu." Eco tii caka musinkila. Oyo mwanakazi muniini waka jisi lusyomo. Waa kali sikutatanyana. Waa kaindilila buyo nkamu eyo. Lusyomo lwakwe Iwaka mukwelela kuzwa kuli njyo.

¹¹³ Oh, ikuti na bakonzya buyo kucita ceeco sunu! Muntuumwi waamba, "Kuli muswaangano sunumasiku kunselelo ku mbungano ya Foursquare."

¹¹⁴ "Ee, ta cizulilwi ku kabungwe kako. Ncibotu wa tantamuka kuzwa kumusanza okuya."

¹¹⁵ Ko bindaanina buyo kwinda mukati. Lusyomo lwako lula kutola ncobeni. Mwabona? Lusyomo talukwe cisinkila. Lula unka, nekuba. Taakwe cintu ciyo cilesya. Mbuli mbo Nda amba, yalo milambi, mipati. Ili jisi ca kwaamba; bamwi babo bala luyoowa. Iiyi, munene. Bayo cija kuzwa kuli Ndilyo, mbuli smoopokisi niini. Bala tantamuka kulaale. Nse jisi cintu cakucita a Ceeco, cindi lusyomo lupati lwabuka, kwaamba, "Ndi lizi oyo Ngwe syoma. Ndili lamidwe." Nce ncico.

¹¹⁶ Antela kwakali nkamu imbi ya kaboola ambali, kwaamba, "I mazuba aa maleele akainda. Kwiina cintu cili boobo mbuli ceeco. Eyo ni nkamu ya babumbulusi basalala kumusanza okuya, balo mba Juda. Tuli ba Griki. Tuli basongo. Tuli nkamu ya bantu bapampu. Tu pa inyika zya arti, ziimbo a—a bukombi. Elyo kwiina cintu cili boobo mbuli Ceeco."

¹¹⁷ Pele waa kali sikutatanyana. Mazuba aa maleele takalina mana, kuli nguwe, nkaambo cintucimwi caka mwaambila, anselelo *awa*, kuti tii cakali obo. Elyo Jesu wakali jisi eco ncakali kulangila, alimwi waa kali kanzide kusika kuli

Nguwe. Kakutakwe kubikkila maanu ikuti na kabungwe kakwe kagwasilizya, na pe, waa kali kuunka, nekuba. Waa kali kuunka kunselelo okuya. Waa kali sikutatanyana, wakacili sikukakatila. Mazuba aa maleele inga kamanide kuli mbabo, pele tii cakali obo, kuli nguwe. Eyo nje nzila mboibede ku musyomi oonse. Balo bantu baamba kuti mazuba aa maleele . . .

¹¹⁸ Ii mwaalumi waka ndaambila, ciindi cimwi cainda, kati, “Ta ndikwe makani eco nconga mwaamba, Ba. Branham.” Kati, “Nse syomi kuti kuli cintu cili boobo mbuli kuponesegwa kwa Buleza.”

¹¹⁹ Nda kati, “Nee ncobeni, kuli nduwe. Tii cakali ca batasyomi. Kuli baabo buyo basyoma. Mbo mbubo. Tii cakatuminwa batasyomi. Ca katumwa ku basyomi. To konzyi ku Ci botelwa, nkaambo tozyi cintu kujatikizya Ncico.”

¹²⁰ Wa kali kuyanda ku ndaambila kuti, “Kwakanyina cintu cili boobo mbuli Muuya Uusalala.”

¹²¹ Nda kati, “Uli mukide buyo kutandila myaka ili makumi otatwe aitatu, kuli ceeco.” Nda kati, “Ndi lizi kabotu. Nda ka Utambula.”

“Yawe, bufuba!”

¹²² Nda kati, “Inga kwaba, kuli nduwe, pele kutali kuli ndime. Nca kasimpe kuli ndime. Bwalo Mbuumi, cintucimwi cisimpidwe.” Wamuka kuboola kundanbila eco.

¹²³ Bamuka kuboola ku twaambila kujatikizya kuponesegwa kwa Buleza. Twa kaponesegwa. Twa kazulwa Muuya Uusalala. Twa kajana luzyalo lwa Kukwempwa. Ameni. Ciindi camana kale ku zintu ezyo zili zyonse. Inga akwalo baumuna. Twa ka citambula. Lusyomo lwesu inga lwati, “Kkala acuuno. Ndi lizi eco nce Ndili mukwaambaula.”

“Ee, madokotela?”

¹²⁴ Ta ndikwe makani eco Dr. *Niini-a-niini* ncaamba. I Bbaibbele lya ka caamba, alimwi Ndi jisi lusyomo mu Bbuku eelyo mu janza lyangu. Elyo lusyomo lwangu lula Lu jatilila kubusena kuya, “Jesu ulaboola. Nda syoma kuti Nda katambula Muuya Uusalala, nkaambo Nda Mu bona kapona mu buumi bwangu.” Ameni. Cili mbuli ku Ijwi. Taakwe . . . Ii ciyubunuzyo cakayubululwa, kusimpikizigwa kulondokede kwa Bbaibbele mukuba kululama, a Jesu Kristo mbobuca nguwenya, sunu, amuya myaaka. Mubaleke kuseka muzwa obo. Inga baseka konse nko bayanda. Tuyo tatanyana buyo mbuli mbo bakabede cindi Nowa mbwa kacita, Musa mbwa kabede, boonse bamwi basikulikozyanisya kababuka.

¹²⁵ Janesi a Jambre baka waala misako yabo aansi, kasanduka kuba nzoka. Kwakali baalumi abo, ca bulemu buyo mbuli mbo bakali kukonzya kuba, kacita mbubonya eco Leza nca kabaambila kucita, elyo mpaawo kwakasika cikama ca

kulikozyanisya, kawaala misako yabo. I cintu buyo nco bakali kukonzya kucita, kwiimikila buyo nji a kubona bulemu bwa Leza. Ameni.

¹²⁶ Leza uya ku ciiminina. Ikuti na Wa kakutuma, nkabela uli masimpe kuli ncico, uyo zwidilizya mulimo oyo Leza ngwa kakanzila kucita. Uyo ima alya, nkabela Leza uyo gusya sikulikozyanisya onse kuzwa kuli nduwe. Nconzyo. Koima awo. Inga waba sikutatanyana, nkaambo ulizi Oyo ngo kasyoma, a ceeco ciluleme. Lingula ciyubunuzyo cako a Ijwi. Ikuti na ciliimpene ku Ijwi, kocisiya cilikke. Ikuti na cili a Ijwi, Leza ulaangidwe, bulizi, ku kubamba Ijwi Lyakwe.

¹²⁷ Lino, lino, kwayanda kwakali cikama ca balindu baimikila kunselelo ku kkona, nywebo mulizi. Elyo ba kati, “Ngooyu waa boola. Lino ujisi mwana oyo kutala okuya, ujisi kasuntu. Elyo—elyo Dr. *Niini-a-niini* wakaamba kuti—kuti taakwe cisilisyo ca kasuntu. Elyo ngooyu we, kaselemukila ku kabungwe katakwe mpuwo akuya, nkambo oyo musinsimi sikwiindilizya kuboola okuno a kuponya mwana oyo.” Aboobo ba kati, “Twe elede kulesya Susie.” Nda syoma takukwe Susie awa. “Pele tweede kuleka Susie a kumwaambila, nkaambo waa kali mwanakazi mubotu. Taakwe cintu caku lwana buumi bwakwe. Pele tweede kumulesya, alimwi cintu buyo eco nce Ndi zyi kucita. Waa kainda munsi, bantubonse bambi, aboobo taka konzyi kumwaya eci cisinkila.

¹²⁸ “Uli zyi cintu na, Susie? Mulumi wako uyo kusiya. Nkaambo, walo musyomesi na daikona mu nkamu yeendelezya, nkabela uyo musiya, masimpe mbuli inyika, ikuti na waselemukila okuya.”

¹²⁹ Waa kacili sikutatanyana. Waa kazumanana ncobeni. Mwabona? Lusyomo talu zyi cisinkila. Lweelede kusika okuya.

¹³⁰ Mpawo waa kaindilila nkamu imbi eyo yaamba kuti, “Uli zyi cintu na? Cindi wajoka, wazundwa, a kuziba kuti kwiina cintu kuli ncico, bantubonse mu masena aengelede bayo kuseka.”

¹³¹ Eco tii cakabamba akwalo matwi akwe kupya. Waa kali sikuttanyana. Waa kazumanana ncobeni. Nda ciyanda eco. Nda kubotelwa kutatanyana oko.

¹³² Mpawo mpaawa kwakaimvwi umwi wa bamadaikona, a kuti, “Ikuti na waunka kunselelo okuya, ulizi eco ncobayo cita? Ku kutanda kuzwa mu mbungano yako, nkaambo wali sanganya lwako kuli mbabo babumbulusi basalala, na balo bantu.” Elyo kati, “Yebo ulizi...” Amu ndijatile. Antela tii ndeelede ku caamba. Mwabona? “Ula liswaanganya a mbabo. Uyo tandwa kuzwa mu mbungano yako.”

¹³³ Waa kacili sikutatanyana. Lusyomo talu zyi kuzundwa. Waa kajisi cintu comwe cakuzwidilila, nkabela eco cakali, cakusika kuli Jesu. Waa kajisi kubula, alimwi Wa kali Nguwe alikke waka jisi kubula oko.

¹³⁴ Nda amba cee ci sunumasiku, mukwesu a mucizi. Ndili a myaka ili makumi osanwe ayotatwe yakukomena. Nda kali ku Mu belekela kuzwa ciindi ni Nda kali kutandila makumi obilo. Wa kakkwanya zintuzyonse ezyo Nze kabulide. Elyo cindi caboola ku oora lya lufu lwangu, Ndili masimpe eco Nce yandikana mpoonya awo, mababa obile kusika ku mulonga, Uyo obako. Uta pengi. Ndi lizi Uyo oba ko. Njo josya buyo cceba lya kaindi mu cikanda, a kusamununa helometi, akwi bikka aa mulonga, cindi Nda... nkowmwe, cindi Nda kumvwa kukupaila. Elyo Njo kwila “Kotuma bwaato bwabuumi. Ndi boola ku muunzi, cifumo cino.” Buya kubako. Iiyi, munene. I Nyenyeesi yaku Bucedo iyo seluka a kuyasya mu nzila. Kulanduka mulonga tuyu unka. Iiyi, munene. Ameni.

¹³⁵ Waa kali sikutatanyana. Waa kajisi kuzwidilila. Waa kalizi kuti waa keelede kuba ukukakatila kutegwa kasike kuli Jesu, aboobo waa kacita kwiinda mu zintuzyonse.

¹³⁶ Kumalekelo, waa sika. Lino, kumalekelo, kasika okuno. Zintuzyonse zili kabotu lino, elyo mpawo mpaawa kwaboola cisinkila cimbi. I Muntu nguonya oyo ngwa kali kulibanda kuba a kaanzambwene mukati, Muntu ngwa kasola kujana, Jesu. Wa kati, “Nse tumidwe mukowa wako.” Oh, ma! Sa eco inga tii catubamba kuba ba Pentekoste banyemedé? Hmm! Hmm! Ma! “Nse tumidwe ku mukowa wako.” Fyuu! Eco cakali kugambya.

Pele mulizi cintu na? Lusyomo taluzi kugambwa.

¹³⁷ Elyo mpawo, alubo, Ula vuuluka. Nikwakamana zintu ezi zyoonse nzya kaindamo, a lusyomo lwakwe kalujatilide, kuti waa kalizi kuti Jesu wakali kukonzya kumupa kuyandisya kwakwe. Alimwi waa kaindi muli zyoonse ezi zisinkila. Elyo cindi nakasika kuli Nguwe, mpawo wakanyona, cakumanininina, “Nse tumidwe nokuba ku mukowa wako.”

¹³⁸ Inga nda muyeyela kaimvwi awo, nkabela meso akwe kabalama. Waa—waa kali kumbele Lyakwe mpawo. Nku koonse nkwa keelede kuba. Elyo kati, “Kunze lya ceeco, mukowa wako tauli cintu pele cikama ca babwa.” Oh, ma!

¹³⁹ Ino kuti Na kaamba ceeco kuli nduwe? Inga wati, “Njo gusya mapepa angu kuzwa ku Foursquare akwiinka ku busenabumwi bumbi. Nse kajokeli okuya alubo. Ndiyo cibweza kuzwa kuli *Boobu-a-boobu*.” Oh, iiyi. Iiyi, munene.

¹⁴⁰ Pele nekubaboobo waa kacili jatilide. Oh! Mwabona? Lusyomo talu zyi kuzundwa. Taakwe cintu ciyo lulesya. Nekubakuti Jesu wakati kuli nguwe, nguonya Oyo ngwa kasikila, kati, “Nse tumindwe ku mukowa wako, alimwi tabali bantu pele cikama ca babwa.” Fyuu! Pele ninzi? Waa kajisi lusyomo lwini. Lusyomo talu zyi kuzundwa; Ta ndikwe makani oko nko luzwida. Ta luzyi kuzundwa, nkaambo waa kajisi lusyomo. Nekubaboobo waa kajatilila. Oh! Nda ciyanda eco. Ta

kali cisyango camubusena bukasaala, cakatintanisigwa, mbuli bamwi babo sunu.

¹⁴¹ Obu bukombi bwakatintanisigwa mbo tujisi sunu, nywebo mulizi. Taakwe zibotu. Zintuzyonse lino zyakatintanisigwa, zyakatintanisigwa. Akwalo ba kajana mambungano akatintanisigwa, Banakristo bakatintanisigwa, bakanjila kwinda ku kusukana maanza. Oh, bala konzya kusama kabotu, ndiza kubelesya Chikuwa cibotu, azimwi zimbi, mbuli boobo. Taba jisi buumi muli ncico.

¹⁴² Wa bweza nseke mpati mbotu ya mapopwe, yakatintanisigwa, ndiza mbotu-loko mbuli imwi imbi. Koi syanga, iyo fwa. Ta ijisi buumi muli njijo. Mbo mbubo.

¹⁴³ Ta tuyandi cintu cakatintanisigwa. Tu yanda cintu cini. Tamu ejisi, amukkale awo kusikila casika. Nkaambonzi kuzumina ciiminizyo kakuli milengalenga ya Pentekoste izwide zini? Mwabona? Taakwe cakatintanisigwa, tai kaimi.

We elede kufwafwaza cisyango cakatintanisigwa, kutantamuna buuka kuzwa kuli ncico.

¹⁴⁴ Eyo nje nzila a bamwi aba Banakristo bakatintanisigwa. We elede kuba bebeka aku baumauma,aku basyomezya kuti bayooba madaikona na cintucimwi cimbi, kutantamuna buuka bwanyina kuzwa kuli mbabo, bwa kutasyoma. “Niba bakazwa mu mbungano.” Kuba tanda, nekuba. Mbo mbubo. Taakwe nobakali mukati.

¹⁴⁵ To konzyi kusangana Mbungano. Inga wasangana cisangabalilo. Inga wasangana cisangabalilo ca Methodisti, cisangabalilo ca Baptisti, na cisangabalilo ca Pentekoste. Pele ikuti na ukasole kuboola kuli Kristo, uyo zyalwa mu Mbungano, mbo mbubo, Mubili wa Kristo wamaseseke. Amwi masangabalilo. Mbo mbubo. Kuli kabotu, taakwe cintu cakwaalwana. Pele ula zyalwa mu Mbungano ya Leza muumi, ku Muuya wa Leza. To konzyi Kwii sangana, pee. Elyo cindi wazyalwa Omuya, ujisi Kuzyalwa.

¹⁴⁶ To cili waka tintansigwa pe, sikusanganisigwa ku maanza na sikulombelela kutanta myoota. Uh-huh. Nywebo mulizi, sikulombelela kutanta myoota. Eyo nje nzila. “Ee, Ndi lizi, pele Dr. Niini-a-niini...” Peepe, peepe. Nce ncico. Nce ncico. Obo mbombubo.

Waa kali sikutatanyana. Ta kali wakatintanisigwa. To keelede ku mu fwafwaza, kubelesya pemfyuumu, ku mubamba kabotu. Waa kaima awo.

¹⁴⁷ Cibeela ca zisyango zyesu sunu, bunji bwabo bakatintanisigwa. Cintucimwi buyo mbuli David duPlessis, Nda syoma, ciindi cimwi wakati, “Leza tajisi bazukulu.”

¹⁴⁸ Penzi ku nkamu yesu ya Pentekoste, tuya buba bazukulu ba Pentekoste. Bala njila nkaambo bamatata a bamamama

bakali ba Pentekoste. Twa kabatola mu kalo ka kulyuumba, elyo baka boola kakutakwe luzibo. Elyo awo baamba kuti mba Pentekoste, abalo. Peepe, munene. Leza tajisi bazukulu. Tali syanene; Ngu Taata. Nconzyo. Ikuti na wasola kusika ku Julu, uyo bbadelela muulo mbuli banyakoko mbo bakacita, bauso ngo bakacita. Ameni. Eco inga calimvwisya bubi, pesi Mbwini. Ni nzila mbi ya kubamba muzeezo, pele mula mvwisya musyobo oyo wa Chikuwa, Ndili masimpe. Tacili Chikuwa cibotu loko. Cila kajata kaambo keni, eco Nce sola kwaamba. Ko Ci swiilila buyo. Iiyi.

¹⁴⁹ Ta katintanisigwa. Ta keelede ku fwafwazwa, a kubebekwa lino, “Ee, lino, mucizi oyandwa, Nda—Nda kwaambila, ee . . .” Oh, peepe. Peepe, munene.

¹⁵⁰ Elyo tacikwe makani eco caka muuma kuwida aansi, waa kati, “Bwalo mbwini. Ta tuli cintu pele nkamu ya babwa. Nca bwini kuti ta tweede kuli ncico.” Oh, ma! Waa kazumina kuti Wa kali luleme.

¹⁵¹ Ndila amba kulemu konse kuzwa mukanwa. Amu libamble. Ziindi zyoonse, lusyomo lwini luyo zumina kuti Ijwi lili luleme. Elyo kufumbwa ciindi, kuti na cintucimwi caamba kuti mazuba aa maleele akainda, na cintucimwi cilwana Bbaibble, taluli lusyomo lwini. I lusyomo luyo zumina bwini lyoonse. We elede kukkanala a Ijwi. Takukwe makani eco kufumbwa cintu cimbi nco caamba, eco umwi umbi ncaamba, ndi Ijwi lili luleme. “Akube kuti ijwi lya muntu lyoonse libe lya bubeji, nkabela Lyangu libe bwini. Kufumbwa oyo uyo yungizya, na kugwisya, nguonya uyo gwisigwa cibeeda cakwe kuzwa mu Bbuku lya Buumi.”

¹⁵² Leza uyo beteka inyika kwiinda ku mbungano na? Iili eyo? Katolika? Tubungwe tuli myaanda ili cisambomwe amakumi ali cisambomwe acisambomwe tugambya twandeene? Mbobuti Mbwayo cita ceeco?

¹⁵³ Leza uyo beteka inyika kubelesya Jesu Kristo. Elyo Kristo, “Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mubili wabuntu a kukkanala akati kesu.” Leza a Ijwi bali bomwe. *Oyu* ngu Leza uli mu bulempo.

¹⁵⁴ Uli jisi i—uli jisi Muuya Uusalala na? Kosyanga eyo Mbuto omuya. Ii leta ku Buumi, kuyutula obo Buumi, a kuyubulula a ku busimpikizya. Jesu wakati, mu Musalali Johane 12, “Oyo usyoma Ndime . . .” Musalali Johane 14:12, mubwini, “I milimo eyo Nje cita uyo icita ayalo.” Aboobo lyoonse lula zumina Bwini. Oh, ma!

¹⁵⁵ Pele, nywebo mulizi, waa kati, “Obo mbwini. Ta tuli cintu pele cikama ca babwa. Elyo ta tuli . . . To katumwa ncobeni kuli ndiswe. Pele, Mwami, Nse langili zinkwa zyoonse bana nzoba jisi. Ndi yandaula buyo tufwefwelenga.” Oh, ma!

¹⁵⁶ Lino, sena mwakabona? Bantu, ba yanda kujana *eci*, kuponesegwa, a kujana Muuya Uusalala nzila njo bayeeya kuti

beelede kuba anguwo. "Lino, Ndiyo seluka, mukwesu, ikuti na uyo ndileta a kundi tola mu kaanda omo muntu mpata konzyi kundi bona, elyo amu bikke maanza anu ali ndime a ku ndilongezya, a kubikka Muuya Uusalala muli ndime. Ndiyo citambula." Oh, peepe.

¹⁵⁷ Namaani wakali kuyanda kuzumina kuponesegwa kwakwe mbuli boobo, ciindi cimwi. Pele Eliya waka mwaambila kuzwa kuya mu Jordano wantimba wakaindi a kuli waala ziindi zili ciloba. Nda konzya buyo kuseluka kuzwa ku nkalaki yakwe. Oh, muntu mulemu, kajata mpemo yakwe. Ngooyu wa sika, mu maanzi, kanontaila mbuli kaaze mu molasesi, nywebo mulizi, kuyutuka mbuli *boobo*, nywebo mulizi, kuzwa mbuli *boobo*, kuselemukila mu meenda. Wa kati, "Oh, Nda bijilwa kucita ceeci," kudumpukila mukati. Bantu bamwi bala boola ku cipaililo mbuli kuti akali makani aa balwazi kuli mbabo. Inzya. "Oh, Nse yandi kucita ceeco."

Wa kandi nika ciindi cimwi, mpawo, "Elyo Ndi cijisi cinsenda."

¹⁵⁸ "I musinsimi wakati, 'Ziindi zili ciloba.'" Mbubo. Kusikila waswiilila Ijwi, cakumaninina! Kusikila wa Li swiilila, cakumaninina! Wa kajisi muntu muboto kaimvwi aa nkowme, kati, "I musinsimi wakati, 'Ziindi zili ciloba,' taata. Mwabona? Kozumanana buyo kuli nika."

¹⁵⁹ Nce ncico. To cimvwisyi busiku butaanzi, kolinika buyo alubo busiku butobel. Kozumana buyo kusikila uka—uka cijane.

¹⁶⁰ Lino amuyeeye. Waa kali mbuli Rahabi sikuvuula, oyu mwanakazi muniini mbwakabede. Ta kalina bona maleele. Waa kamvwide buyo makani aa maleele. Ino uyo cita buti buzuba mu i... kucita mu Buzuba bwa Lubeta kuli ndiswe? Ta kalina bona maleele. Waa kali Munamasi. Ta kalina bona, pele waa kamvwa. Elyo toonse twa kabona a kumvwa, nkabela tu cizumbauzya. Oh, ma!

¹⁶¹ Waa kali mbuli Rahabi sikuvuula. Cindi basikutwela niba kaboola okuya, ta keelede kwaamba kuti, "Ndiyo mwaambila. Amu lete Joshua okuya a kumu lekela kuba a kuswaangana kuli ndime, nkabela Njo bona nzila mbwa bamba masusu akwe, alimwi nzila mbwaambaula, a kulilemeka kwa milao nkwa belesya ku cikambaukilo. Elyo Njo bona naa Nda konzya kumuzumina na pe." Waa kati, "Nda kamvwa kuti Leza wa Julu wakali a ndinywe, alimwi cintu cilikke Nce lomba nku vunwa." Mpaawo we.

¹⁶² Oyo mwanakazi muniini wakali sikutatanyana ncobeni. Waa kajatilila ncobeni. "Kondi vuna buyo. Ndiyo cita kufumbwa cintu nco muyanda kuti ndicite." Oh, nceeco we. Nce ncico.

¹⁶³ Oyu mwanakazi muubauba, takukwe makani obo buyumuyumu mbo bwakabede, waa kali sikutatanyana. Oh!

Waa kajisi kulanganya kululeme ku cipego ca Leza. Waa kajisi kulanganya kululeme, bubombe. Waa kawida ku matende Akwe, nkabela waa kajisi bubombe. Ta kaimikila pe, kwaamba, “Lino, Kolindila buyo kaindi kaniini. Yebo ulizi swebo tuli bantu tba Griki. Yebo wati twa kali babwa. Aniini buyo awa, Munene. Sena Ula mvwisyia kuti tuli—tuli bassyazibwene ba arti, elyo tuli basyazibwene bali *boobu-a-boobu* alimwi *boobu-a-boobu?*” Ta kayeeya ceeco, pee. Waa kazumina buyo kuti Wa kali luleme, a kuwida ku matende Akwe, a kuti, “Kondi gwasya, Mwami. Ndiyo lya buyo tufwefwelenga. Ikuti na mwana wangu musimbi takonzyi kuba a kabeela koonse ka cinkwa, sa Uyo mulekela buyo kuba a tufwefwelenga, ikuti na walo mubwa?” Oh, ma! Mpaawo we.

¹⁶⁴ Sa inga twa kkutila ku tufwefwelenga buyo, ikuti na Muuya Uusalala weeleda kuyubununa ku muntuumwi sunumasiku, “Wa ponesegwa”? Sa inga walibambila buyo kubweza tufwefwelenga, na sa inga wayanda Leza kweenda okuya a kukubusya a kukupa musyobo umwi wa kulimvwa? Ikuti na inga Wa amba buyo mu moyo wako, “Bulwazi bwangu bwamana. To cibujisi limbi. Nda syoma kuti Ndiyo ponesegwa, kuzwida sunumasiku,” sa inga wa bweza tufwefwelenga? Na, sa inga wayanda bantubonse kuboola a kubikka maanza ali nduwe, a kutila mafuta, a kwiinda mu cilengwa calyonse mbuli boobo, na sa uyandaula buyo tufwefwelenga? Leza uyo zwidilizya ceeco.

¹⁶⁵ Nywebo mulizi, bunji bwa basikwiiya baka Mu bona kumane bubuke Bwakwe. Tomaso wakati, “Peepe, huh-uh, Nse ka cisyomi. Nde—Nde elede kubikka maanza angu mu nembe, zya mpikili Zyakwe mu maanza Akwe a ku lubazu Lwakwe. Mpawo Njo cisyoma.”

¹⁶⁶ Wa kati, “Boolu okuno, Tomaso.” Kati, “Kondi guma.” Elyo wa kacita.

Wa kati, “Mwami wangu, a Leza wangu.”

¹⁶⁷ Wa kati, “Tomaso, nkaambo wa bona a kumvwa, a zintuzyonse, wa syoma.”

“Iiyi, Mwami.”

¹⁶⁸ Wa kati, “Mbupati buti bulumbu bwabo, abo batana bwene elyo nekubaboo bayo Mu syoma!”

¹⁶⁹ Sa tuli libambilide? Sa tuli Bamasi mbuli oyo mwanakazi Munamasi? Sena waa kali mukozyanyo kuli ndiswe toonse, “Kondipa buyo tufwefwelenga, Mwami”? Andi mvwe buyo muntu umwi, “Nsena libala Ijwi, pele kundaambila kuti Ula ponya baciswa. Ako kafwefwelanga kayooba kunji kuli ndime. Nda kasyoma. Andi mvwe muntuumwi kwaamba, a kucibala kuzwa ku Ijwi, kuti Muuya Uusalala . . .”

¹⁷⁰ Petro wakati, aa Buzuba bwa Pentekoste, “Amusanduke, umwi aumwi wanu, a bapatizingwe mu Zina lya Jesu Kristo

kuti mujatilwe zibi zyanu, nkaambo myua kutambula cipego ca Muuya Uusalala. Nkambo cisyomesyo cili kuli ndinywe, aku bana banu, a kuli baabo bali kulaale, abalo boonse Mwami Leza wesu mba yoita.”

¹⁷¹ “Mwami, Nda limvwa kuti eco cili luleme.” Ako nkwfefwelenga. Ko boola. Nku koonse nkoede kucita. Boola.

¹⁷² Sa tuli libambilide kubweza tufwefwelenga? Sa tuli libambilide kulibombya tobeni? Mbwa kabede. Waa kali libambilide kulibombya mwini. Lusyomo lyoonse lugambya Ijwi kabotu. Lusyomo lyoonse luli bubombe. Lusyomo lula libombya lwini. Lino, waa kali kuyandaula buyo tufwefwelenga.

¹⁷³ Amulangilile eco Jesu nca kaamba. “Ku kwaamba oku, ku kwaamba oku, ‘Ndili libambilide kulya tufwefwelenga, Mwami.’ Nkambo ka kwaamba oku, mwana wako waponesegwa. Ujisi nkumbizyo yako nkaambo ula cisyoma.”

¹⁷⁴ Lusyomo lula zamina kuti Ijwi lya Leza lili luleme. Lusyomo lula zamina zintu ezi zyoonse.

¹⁷⁵ Marta, Maria; muciindi cakatobela mu Bbaibblee inga twaita banji; mwanakazi muna Shunami. Zintu zinji a twaabmo oto nto tukonzya kwita. Ta tujisi ciindi ca kucita. Ca ceeci, Ndi jisi mapeegi atandila kuli osanwe awa, aalemedewe aa bantu, lino, obo ba kalanganya tufwefwelenga. Pele atu ciindilile aco asyoonto. Nda umvwa Muuya Uusalala kaujala. Nse yeeyi kuti cila yandikana.

¹⁷⁶ Andi mupe buyo luniini luzibo lomwe. I Bantu Basimakwebo bakalemba cintu ciniini omuya, caano ciniini kutali ciindi cilamfu cainda, mu magazini yabo. Elyo amuyeeye, cindi wabamba makani aa kupulinta, ncibotu wa konzya ku ciiminina. Tuli cijisi, bulembu bwa mapepa kuzwa kuli dokotela. Nda bona, mu mbungano sunumasiku, bantu basyoonto bana Spanish.

¹⁷⁷ Nda kali mu Dolopo lya Mexico, alimwi twa kajisi muswaangano wa bulemu. Nda kali kokuya kutandila masiku otatwe. Elyo kwakali muntu oyo Ngwe kaita kuti Manana. Wa keelede kundi bweza aa sikisi okuloko, a kundi bweza kutandila naini. Elyo lyoonse Nda, nkaambo wa kali muka loko, Nda kati wa kali “juunza.” Mwabona? Elyo cindi ni twa kazwa ku mubalo oyu mupati oko Nkwe kali kukambauka, ba kacita kunditola atala lya matantilo atala awa, mpawo andi selusizye aa ntambo, ansi ku cibumbili.

¹⁷⁸ I busiku kabutanaba, kwakali mwaalumi muna Mexico oyo wakasika ku muswaangano. Elyo mulombwana mudaala, kauwa mvula, mbuli mbo cakabede, elyo wa kaboola ku cibumbili, kali moofu. Elyo wa kaselemuka. Nda kalanga. Nda kasamide mabbusu mabotu, a nsuuti mbotu. Elyo mudaala mucete, ta kasamide ku matende, bulukwe bwakwe boonse bugalankene. Elyo Nda mwaambila oyo sikupandulula wangu mbwa kabede, nywebo nobantu muli muysi; Mukwesu Espinosa, kutala kuno

mu Sacramento, California, mukwesu muna Pentekoste. Wa kali kupandulula. Twa kajisi kutandila, mu masiku obilo, Ndi yeeya kuti kutandila basanduki bali zyuulu zili makumi otatwe na makumi one kuzwa ku Bunakatolika, kuyaku Bunakristo a Muuya Uusalala.

¹⁷⁹ Elyo mudaala oyu moofu wakasika aatala lya cibumbili. Elyo ikuti na tobayandi bantu mbo kombela, taku yandikani kuba kombela. We elede kulimvwa lwako mu busena bwabo. Elyo Nda kayeeya, "Ikuti na bataata bakale niba kali kupona, niba kali kutandila kukomena mbuli mudaala oyo. Ngooyu mbwabede. Ta jisi mabbusu." Elyo ta kasamide shaati. Ii bbaki lyakaindi, ligalankene, lusuko maningi; ngowani yakaindi mu janza lyakwe, kasuma kubelesya ntali. Antela mulombwana mudaala taka jisi cakulya cibotu mu buumi bwakwe. Elyo mpawo obo bubi bwa lunya kuli nguwe, mpaawa uli mukudadalika mu boofu. Meso akwe akali kutuba.

¹⁸⁰ Nda kalanga mulombwana mudaala, elyo Nda—Nda kamu gwambatila. Alimwi Mukwesu Espinosa tako kakonzya kuupandulula mupailo. Nda—Nda kati, "Taata Wakujulu, ikuti na Nda konzya kumupa mabbusu angu, inga Nda sobelela kuzwa kuli mbabo kutegwa taakwe muntu unga waabona, kumupa bbaki lyangu, kumu tumina mu mugwagwa. Pele mupati maningi kwiinda Ndime. Pele, Leza, koba aluse kuli nguwe. Ko mujosezya kukubona kwakwe."

¹⁸¹ Wa koongolola, "Gloria a Dios." Nda kalanga koonse. Wa kali kukonzya kubona kabotu mbuli mbo Nda kali kukonzya.

¹⁸² Masiku akatobela kwakali mubalo na mulwi amasifwilila, kulampa mbuli buyake obu, musela mulamfu *boobu*, kakutakwe cintu pele buyo cilembo cakaindi a zisani zya tubbesu twakaindi.

¹⁸³ I bweende bwamakwebo a Mexico tabusitikide kabotu. Ambweni Pedro ujana...ngu tuyasi wa matina, inga wajana mapeso ali kkumi acisambomwe mu buzuba. Pele ciyo tola mulimo wa mazuba one ku muulila mabbusu. Pele uyo elela kuyobola kunji kuzwa kuli ceeco ku kubbadela, mapeso akubwene, ku nkendula ya mafuta kuti iyasye cipaililo ca ngolide camadollar ali milioni nkambo ka zibi zyakwe. Eco nce cindi kopa.

¹⁸⁴ Mukubona bantu abo bayandisi, bala boola okuya aa naini okuloko cifumo. Taakwe zyuuno, zya kukkala. Ba kayaamana kuli umwi aumwi, mbuli mbelele mu macelelo. Kaiwa mvula! Balo banakazi, kabaimvwi, masusu abo kaselemukila ansi, kaali mukuteta, amulindile buzuba boonse mu zuba lipya na mvula, kuyanda kumvwa Ijwi lya Leza. Oh, ino bayo cita nzi cindi Phoenix yaakubuka mu Buzuba bwa Lubeta a mbabo, kakuli, mambungano mabotu ku masena oonse, nkabela tamu konzyi akwalo kubasololela mukati?

Ngooyo waa kaliimvwi, na wa kaima, mubwini, a kukubona kwakwe.

¹⁸⁵ Obo busiku cindi Ne kanjila, yakali kuwa mvula canguzu. Mukwesu Jack Moore, bunji bwanu muli muzyi, Mukwesu Espinosa, basyoonto bakwesu, bakali aa cibumbili. Elyo Billy, mwana wangu, kanji ula vozya makkaadi aa mipailo. Elyo ta kakonzya kukanana ci Spanish ku bantu abo, aboobo wa kacita kulekela Manana kucicita. Pele wa kazunguluka buyo kubona kuti Manana taka sambalide kkadi lya mupailo. Aboobo mpe mpawo mpo tweelede kulangilila, nywebo mulizi, mu kusambala kkadi lya mupailo. Aboobo waka mulangilila buyo. Elyo bakali kunga beenda kumbele a kulangilila a kubona kuti wakali kupa buyo kkadi lya mupailo kuli *Niini-a-niini*, a mbuli boobo. Aboobo wa kati . . .

¹⁸⁶ Amuboole kuli ndime, Nde elede kukambauka. Mulwi mupati ncobeni wa—wa tusani tubikkidwe alya. Obo mbo bakasola kuziba oko kwakali kuzulilwa kuti kwakali kuli ni, Ta ndizi. Aboobo ba kali . . . Nda kazwa kukanana, elyo Billy waka nduumuma aa kkuko. Wa kati, “Taata, uyo cita cintucimwi, oyo mwanakazi muniini kubusena okuya.” Kati, “Nda kajisi bamaasha batandila ku myaanda yotatwe, nkabela tiiba bakonzyi akwalo kumu jatilila.” Musimbi muniini muna Spanish, kutandila kulampa boobu, muntu muniini mubotu, waa kajisi muvwanda uufwide mu maanza akwe, kunsi lya ngubo. Elyo wa kati, “Manana waka vozya kkaadi lyoonse lya mupailo.” Elyo kati, “Ta jisi kkaadi lya mupailo. Elyo ngooyo muncali, wa kaliimvwi, nkambo ka mbabo okuya, kwa maoora obilo amamanino, kalindila nduwe, kuboola.” Elyo kati, “Walo uyanda kuleta muvwanda oyo uufwide atala awa, nkabela ta tukonzyi kumu kasya.”

¹⁸⁷ Oh, ee, inga waa boola mpoonya atala lya maasha, kuzuzila nkoonya kunsi lya matende abo, na kufumbwa cintu. Waa kali sikutatanyana. Waa kali kuyanda kusika okuya. Waa kabona oyo muntu moofu kaponesegwa, busiku bwainda. Waa kali sikutatanyana.

¹⁸⁸ Nda kati, “Mukwesu Moore, tazi kuti Ndi meni. Ta zyi kuto oyu nguni walo. Ko selemukila okuya a kukombela muvwanda. Eco ciyo cibamba. Waa . . .”

Wa kati, “Ncibotu, Mukwesu Branham.”

¹⁸⁹ Aboobo Billy waka mujata ku kuboko, mbuli kuti wakalikuyanda kumuleta kuli ndime, aboobo wakazumanana kuselemukila a cibumbili. Nda kanyona. Nda kati, “Ndili kkomene kapati kuba kokuno sunumasiku.” Elyo miswaangano taili yabweenzu kuli ndinywe nobantu okuno mu Phoenix. Nkoonya kumbele lyangu Nda kabona muvwanda muniini muna Mexico, kaatakwe meno, kaseka, mu cilengaano kakkede awa.

Nda kati, "Lindila aniini. Lindila aniini, Mukwesu Espinosa. Sika ku i . . ."

"Ino—ino ndipenzi nzi?"

¹⁹⁰ Nda kati, "Koya ku maikrofooni." Nda kati, "Komwaambila aboole okuno."

¹⁹¹ Wa kati, "Taata," Billy wakati, "to konzyi ku muleta kwindilila makkaadi oonse aa mipailo."

Nda kati, "Mulete awa. Nda bona cilengaano."

¹⁹² Aboobo, wa kamwiita. Elyo ba joka. Ngooyu waa boola, a kagobo kasakatidwe mu janza lyakwe, mbuli *obu*. Elyo muvwanda muniini kalede omuya, kafwide kuzwa cifumo eco, kafwa ku kamano, muntu muniini loko utandila kulampa *obo*. Elyo ngooyu waa boola, misozi kiimbulumukila aa masaya akwe, meso akwe maniini asiya, masusu akwe kalengelela, mulindu muniini ukweleleyza loko. Waa kazuzila ku cibumbili a kuwida aa mazwi akwe, a kutalika kulila, "Padre!"

Nda kati, "Koi mikila, aniini buyo."

¹⁹³ Nda kayeeya, "Mwami, ino kuti tali oyo? Ino kuti oyo tali oyo? Ta ndizi. Nda bona buyo muvwanda muniini muna Mexico, muniini, katakwe meno, zisiniini zyakwe ziniini. Wa kali kundisekela, ka kkede mpoonya *alya*."

¹⁹⁴ Elyo waa kali kulila. Elyo Nda kabikka janza lyangu aa ngubo itete, elyo yakali kuwa mvula mpawo. Nda kati, "Taata Wakujulu, oyu mwanakazi muniini, kwiina kuzumbauzya mu mizeeo yangu pele kuti Wa muvwiila." Nda kati, "Nda bona cilengaano, kuti Uli zyi obo mbwini, bwa muvwanda muniini. Ndi citambula buyo ku lusyomo kuti muvwanda oyu. Ta ndimuzi mwanakazi nanka muvwanda. Pele, cintucimwi, Ula beleka ku mabazu obilo." Nda kabikka maanza angu ali nguwe. Elyo cindi Ne kacita, waka bbansa a kukwiila loko mbuli mbwakali kukonzya kukwiila. I banyina baka gwisya ngubo kuzwa kuli nguwe, nkabela ngooyo mbwakabede, kabali muumi, mu maboko akwe.

¹⁹⁵ Nda kati, "Mukwesu Espinosa, uta lembi eco, pele kotuma muntu umwi mubotu uusyomeka." Elyo waa kali ku caamba muci Mexico, kuti dokotela waka mwaamba kuti muvwanda wakwe wakafwa, ku kamano, cifumo eco kutandila eiti na naini okuloko. Alimwi mpaawa kwakali kuzwa a teeni, masiku ayo. Elyo Nda kati, "Tuma a kujana bulempo, kaambo kasimpikizigwa kuzwa kuli dokotela, obo bwaka mwaamba kuti wakali fwide."

¹⁹⁶ Elyo dokotela muna Mexico wakalemba kaambo a ku kasaina, "Nda amba kuti muvwanda ulifwide, taakwe kuyeeeka na cintu, mu ofesi lyangu cifumo cino aa naini okuloko."

¹⁹⁷ Elyo nceeci we, teeni okuloko masiku ayo. Elyo cifumo cakatobela, muvwanda wakali mu ofesi lya dokotela kuyo

langwalangwa, "Wakali kaboutu, alubo." Nkaambonzi? Nkaambo mwanakazi muniini wakali sikutatanyana.

¹⁹⁸ Lusyomo talu zyi kuzundwa. Ikuti na kuli bali zyuulu zyosanwe baimvwi alya mu busena, taakwe cicitika. Mbungano yakwe inga ya mutanda, basimukobonyina bakali kukonzya kuseka. Pele Leza wakali kukonzya kujula meso atakuboni aa muntu, busiku kabutana, konzya kubusya muvwanda wakwe, nkaambo Ngu Leza nguwenya jilo, sunu, amuya myaaka.

¹⁹⁹ Elyo ikuti na eyi nkamu ya bantu awa sunumasiku, basikuvuntauzya tufwefwelenga, ikuti na mbo mubede; nguonya Leza wamuleta okuno, oyo wali kukonzya ku musololela ku busena mbuli obu, i Leza waka mufutula, Leza wakali kukonzya kumuzuza Muuya Uusalala; oyo Leza nguwenya inga wamwaya kabeela koonse ka malwazi a buusu, kufumbwa mbo cibede, mu myoyo yanu sunumasiku, ikuti na mula syoma obo. Sikutatanyana, sikukakatila, kusika a kukwempa ako kafwefwelenga kaniini ka lusyomo lino, kwaamba, "Mwami, ndaku Lumba kuli ncico. Mpaawa Nda boola."

I simukobo uyo amba juunza, "To kaponesegwa pe."

²⁰⁰ Kwaamba, "Oh, pele Nda kacita. Nda kacita. Nda kajana tufwefwelenga masiku ainda kunselelo ku mbungano ya Foursquare. Cintucimwi cakasimpwa muli ndime. Taakwe cintu ciyo ndilesya, limbi. Nda cijana."

Atu kotamike mitwe yesu aniini buyo.

²⁰¹ Sena uya ndikana kafwefwelenga sunumasiku? Sa inga wabweza kafwefwelenga a kutatanyana a nkako?

²⁰² I kafwefwefwe kaniini ka lusyomo ako kaboola ku i—i mwanakazi, muniini mu Griki Namasi, watakalina bona maleele mu buumi bwakwe, simituni wa buhedeni, pele waa kamvwa kuti caka beleka aa muntu umwi umbi. Ta kalina cibona, pele waa kacisyma. Elyo kutyompwa koonse nkwa kajisi, nekubaboo, aa mbaakan ya cintucimwi mu moyo wakwe kaci mwwaambila kuti mwana wakwe inga waponesegwa, nywebo mulizi, cindi nakasika ku ng'anda waa kajana mwana wakwe musimbi kalede aa bulo. I kuganya kwakali zwide kuli nguwe. Kutali buyo kuli lwakwe, pele ku mwana wakwe musimbi oyo watakaliko.

²⁰³ Sena uyandika kafwefwelenga sunumasiku? Ikuti na ula cita, sa inga watambika buyo janza lyako. Elyo kwaamba, "Mwami, kafwefwelenga buyo nku koonse Nke lomba."

²⁰⁴ O Taata Wakujulu, langa kuli baabo Bamasi bayandaula tufwefwelenga. Ziindi tazina cinca pe, Mwami. Ba mvwa. Ba mvwa kuti Ula ponya balwazi. Ba mvwa kuti Ula zuzya a Muuya Uusalala. Wa kapa kulyookezya kuli bakatede. O Leza, kopa bapa aba sunumasiku balila mbuli mulindu oyo muniini tuyandisi waku mazuba manji ainda, "Mwami, nincobeni ta

tweeleli kutambula zilongezyo mbuli bantu Bako, Israyeli, pele tu yandaula buyo kafwefwelenga oako kawa kuzwa ku tafule lyा Simalela.”

²⁰⁵ Elyo sunumasiku twa tondezya Cakulya cipati eco Nco kasanina Mbungano Yako. Elyo sunumasiku ta tujisi tufwefwelenga biyo, pele twa tambwa ku tafule. Ta tweeledc ncobeni kubweza tufwefwelenga, pele tuli kkomene ku tubweza. Pele twa tambwa ku tafule, sunumasiku. “Jesu uli jisi tafule Lyakwe liyalidwe oko basalali boonse ba Leza nkoba saninwa. Ula tamba bantu Bakwe basalidwe kuboola a kuzolalila.” Kopa, sunumasiku, Taata, kuti umwi aumwi oyo ujisi kubula, oko kubula kuyo zulila.

²⁰⁶ Elyo kuciindi notu kotamikide mitwe yesu, a myoyo yesu mu bubombe kumbele lyा Leza, Nda libuzya buyo na mbangaye bantu mu buyake obu, sunumasiku, abo batana kufutulwa, kuti na Jesu waboola a inyika iyo swaana mamanino ayo sunumasiku. Elyo inga wa . . . Uli libambilide kubweza kafwefwelanga kaniini ka lusyomo ako kabikkwa mu moyo wako, a kuboola ku tafule sunumasiku, kutuula kafwefwelenga kako kaniini ka lusyomo kumbele lyा Leza, alimwi ndiyanda kucita booboo, sa inga waimikila a kuselemukila awa, elyo atu kukombele awa aa cipaililo?

²⁰⁷ Sa inga waboola buyo kakutakwe kumuka kumwi? Kweenda buyo kuselemuka. Leza aku longezye, mukwesu wangu. Sa inga umwi umbi wasika? I Mwami abe a nduwe, mucizi wangu. Ko boola buyo okuno. Sa inga kwaba muntu umwi umbi awa oyo uyanda kafwefwelenga, inga waselemukila ku tafule lyा Mwami? Kwaamba, “Mwami, Ta ndeeleli kuboola. Ndili—Ndili . . . Ndili mubwa. Ndili buyo . . . Ta ndeeleli buya mbuli mwanakazi oyo mbwa kabede, pele Ndi boola buyo ku kafwefwelenga.” Sa inga waboola, mweenzuma sizibi? Boola. Inga caba ciindi cako camamanino.

²⁰⁸ Nywebo mwabona obo inyika mboiya buba sunu? Bantu taba yandi kuboola limbi. To konzyi kubasungilizya. I Makanimabotu, aboneka mbuli, ainka ku masena ambi akubelekela.

²⁰⁹ Leza aku longezye, mukwesu wangu mubotu. Leza aku longezye. Eco ncibotuloko. Koima buyo mpoonya awa asyoonto buyo.

²¹⁰ Umwi umbi kubweza i—i busena bwa lubazu awa, a kwaamba, “Nda imikila a muntu oyu.” Mwamiaku longezye, mulombe. Lezaaku longezye. Mbo mbubo. Koseluka eni, akuti, “Ndi yanda kafwefwelenga, Mwami. Ii kafwefwelenga kali kabotu kuli ndime. Cintucimwi caguma moyo wangu. Lino Nda seluka.” Lezaaku longezye, mulombe. Lezaaku longezye, mukwesu wangu. Koimikila mpoonya awa.

²¹¹ Muntu umwi umbi ulimvwa kafwefwelenga kaniini mu moyo wako, ka lusyomo, oko kanga kakoongelezya kuboola ku tafule lino. Sa inga waselemuka a baaba baalumi bakubusyi baimvvi awa, balindila? Nda kambauka kujatikizya mwanakazi sunumasiku, alimwi mbaalumi abo baboola. Ino kujatikizya nguwe, mucizi? Sa inga toboola, ayebo, ku kafwefwelenga? Sena uli jisi olo lusyomo luniini lu kwaambila kuti uli lubide?

Kwaamba, “Ee, Ta ndizi kuti kafwelenga niinzi, Mukwesu Branham.”

²¹² I kafwefwelenga nkaako kali mu moyo wako lino, ako kaamba kuti uli lubide. We elede kweempwa. Ko boola, embo na? Buka a kuboola cabubotu, cakufwambaana, ku kasensa kazwide Bulowa. Sa tokozwa? “Ndili lubide, mukwesu. Kondi kombela.” Koseluka. Leza aku longezye, mukwesu. Leza aku longezye.

²¹³ Umwi umbi? “Ndi yanda buyo kafwefwelenga, Mwami. Ako kafwefwelenga kaniini mu moyo wangu, Nda boola lino ku katuula.” Sa inga waboola?

²¹⁴ Lino sa kuli umwi awa uuwide, wa kaleya, elyo uyanda kuboola, elyo uyanda boola lino?

²¹⁵ Bamwi batakwe Muuya Uusalala, tona tambula Muuya Uusalala? Oh, mweenzuma, ikuti na oyu Mumuni wabambwa kasimpe loko kuli nduwe, mu buzuba bwamamanino, sa toko boola kwiimikila ayebo? Eci inga caba ciindi cakuti kuyandisya kupati mu moyo wako, cintucimwi cikwaambila, “Nda syoma kuti Mwami uyo ndipa lubbizyo lwa Muuya sunumasiku. Ndi yanda kuboola, kwiimikila.” Amuboole kuzunguluka cipaililo. Sa ula cicita? Koima andiswe ku mupailo, yebo nolimvwa kafwefwelenga kaniini, kuti, “Ndi yandikana Muuya Uusalala.” Ikuti na muntu wakonzya kuboola lweendo loonse kuzwa ku Ohio, kauluka kuselemuka awa mu ndeke ya jeeti. Leza aku longezye, Mukwesu Grant. Ii muna Presbyteria inga wauluka kuzwa ku Ohio, kumusanza okuno, mu ndeke ya jeeti kuyo imikila ku cipaililo, ino kujatikizya bantu mu Phoenix?

²¹⁶ Leza aku longezye, mucizi wangu. Koimikila mpoonya awa asyoonto buyo. Sa inga toboola?

Kazwa kunsinga zya Imanuele,

²¹⁷ Sa inga toboola oko Kasensa nko kajukide sunumasiku, kuzuzigwa buyo a zintu zibotu zya Leza? Nda libuzya, kuciindi notu lindila aniini, masimpe kuli banji kwiinda boobo omuno, abo bali bambilide kulya kafwefwelenga. Nincobeni kweelede kuba. Sa tako boola? Kocita buyo mbuli Mbwe kulomba, lomwe. Ko cibweza buyo cakusiniza mu moyo wako, kwaamba, “Nda seluka. Eci nciindi cangu cakusika. Nda boola, nekuba.” Leza amu longezye, nobacizi. Eco ncibotu loko. Tula lindila lino, calukakatilo, kuli nduwe kuboola.

²¹⁸ Atu kotamike mitwe yesu lino kuciindi notu lindila, kwiimba ciimbo eci ca mbungano.

Kuli Kasensa kazwide a Bulowa,
Kazwa kuli ya Emanueli . . .

²¹⁹ Sa inga toboola lino? Sa inga tobweza kafwefwelenga a kuboola?

. . . kunsi lya zambangulwe eelyo

Ikuti na uyanda Muuya Uusalala, sa toko boola, boola mukati lino?

Kusweekelwa twiimba toonse twa milandu
yabo,
Kusweekelwa twiimba toonse twa milandu;
Alimwi basizibi badumpukila kunsi . . .

Boolia, mweenzuma.

Kuweekelwa toonse . . .

I mubbi sikufwa wakakkomana ku bona
(. . . ? . . . mpoonya awa aa cipaililo. Elyo
nywebo . . . ? . . .)

. . . nekubakuti mubi mbuli nguwe,
Sanzya zibi zyabo zyoonse . . .

Leza aku longezye, mukwesu wangu. Eyo nje nzila yakucicita.

²²⁰ Nda libuzya ikuti na bakutausi awa lino inga baboola kwiimikila awa andiswe. Bakutausi mu buyake, amuboole kuzunguluka okuno andiswe, aniini lino, basikulaili abo—abo babikkila maanu mu buntu busweekede.

. . . akube kuti Mebo, nekubakuti ndili mubi
mbuli nguwe,
Sanzya zibi zyangu zyoonse.

²²¹ Nda libuzya ikuti na kuli bakutausi awa, basilailila mu Ijwi, abo banga bayanda kuboola. Amuyeeye, kuunkwa Kutamani kuli mukubambwa ndyoonya lino. MBAABA bantu batandila ku ciloba na lusele, kkumi kabaimvwi awa. Elyo mulizi eco necaamba? Buntu bomwe bweelela kuulwa ku manyika ali zyuulu zili kkumi. Ta tweede kutola eci cabuubauba.

²²² Lino, nywebo nomu cisidwe, nomuyanda mupailo wa lusyomo kupaililwa kuli ndinywe, sa inga mwaimikila mpoonya awo mpo mubede, abo bacisidwe a babulide. Eco ncibotu.

²²³ Lino, bakwesu bangu bakutausi, buyo mbo mbubo, amu bikke maanza aanu aa bantu aba.

²²⁴ Lino, nywebo nobantu bacisidwe, amwiime kubaanga munsi loko antoomwe, kutegwa mu bikke maanza anu ali umwi aumwi. Lino, Bbaibbele lyakati, kuli ndinywe nomucisidwe, “Ezi zitondezyo ziyo batobela abo basyoma.” We elede kuba musyomi, nape notali kwiimvwi. “Ikuti na babikka maanza abo

aa balwazi, bayo pona.” Nywebo mulizi eco cili luleme. Ayo Magwalo atakonzyi kukakilwa.

²²⁵ Elyo kuli baaba basikuusa kusika ku cipaililo, bakwesu a bacizi bangu abo baboola ku cipaililo sunumasiku, zilenga zifwika ezyo zizyi kuti mweelede kuya kulanganya Leza ciindicimwi. I Bbaibbele lyakati zibi zya bantu zila basololela, zimwi kutobela. Yebo uli muku lyaambilila zyako sunumasiku, kuti zibi zyako ziyoinka kumbele lyako, a kujatilwa kwiinda mu Bulowa bwa Mwami Jesu.

²²⁶ Elyo nywebo awa tuyandaula lubbizyo lwa Muuya Uusalala, Leza wakapanga cisyomezyo omuya mu Incito 10. Twa bala, “Kuciindi Petro nakacili kwaamba majwi aya, Muuya Uusalala waka bawida abo baka cimvwa.” Ba kafwide nzala maningi! Lino, muli fwide nzala. Mwa kaleta tufwefwelenga tuniini atala awa. Lino atu bweze cakulya cizwide ncobeni ca zilongezyo zya Leza. Zyonse zyaco zyanu.

²²⁷ Lino, nywebo nobantu nomu syoma mu mupailo, atu kotamike buyo mitwe yesu antoomwe a kukomba lino a kusyoma. Lino, koluba buyo oyo uli munsi lyako. Koziba kuti taakwe muttu ukuzungulukide pele Jesu Kristo. Elyo umwi aumwi ulakomba nzila nja cita, nzila mbo zibide ku komba. Elyo, bakwesu, amu bikke maanza aanu aa bantu aba, elyo atu syome lino kuti Muuya Uusalala uyo boola a kucita zintu ezi nzo tulomba.

²²⁸ Taata wesu Wakujulu, ta tumvwi kuti tu liimvwi awa mubuyo. Twa Ku lumba nkambo ka buntu obu. Tu lizi kuti Uli waano lino kuti ubafutule. Nda komba kuti Uyo cipa, Mwami. Akube kuti lusyomo lwabo lulange kwiindilila cimvule. Akube kuti aba bayandaula Muuya Uusalala, abo babikka maanza aa basyomi, baciswa a bapengede, akube kuti nguzu zya Leza zinjile mu buyake obu, atala ansi lya tuzila otu, a kwiinda mu bantu aba. Elyo kofutula basizibi boonse, kozuya basyomi boonse a Muuya Uusalala, a kuponya bantu boonse baciswa. Kopa zintu ezi, Mwami. Nda syoma kuti Uli waano, alimwi Uli mbobuca nguwenya, sunu, amuya myaaka. Zisyomezyo zyako tazikonyzi kukakilwa.

²²⁹ Tula syoma kuti Wa katuma Mbungano Yako, nkabela bakaunka ku muunzi wa Jerusalema. Ba kaunka ku ng’anda ya mujulu, nkabela bakali kokuya, cakuzumanana, kabalumbaizya a kuleleka Leza. “Elyo mpoonya biyo mpaawo kwakasika kuzwa ku Julu kumvwika kwa Guwo lyuungisya canguzu, nkabela Lyu kazuya ng’anda yoonse moba kabungene.” Yebo uli mbubonya, alimwi Ula konzya kucita mbubonya. Lekela nguzu, ezyo zya kaselemuka aa buzuba bwa Pentekoste, bapatizya nkamu eyi ya bantu sunumasiku, mu nguzu zya bubuke bwa Jesu Kristo. Oyu mupailo Ngwe tuula mu Zina lya Jesu, nkambo ka bantu aba, nkambo ka bulemu bwa Leza.

²³⁰ Amunyamune maanza anu lino. I mupailo wa lusyomo wa kombwa, mupailo wa lusyomo lwa kujatilwa. Amunyamune maanza anu mujulu a kwaamba, “Alumbwe Mwami.” Amutalike buyo ku Mu lumbaizya a ku Mu leleka. Kolyaambilila buyo zibi zyako. Con.... Syoma a moyo wako oonse. Amunyamune maanza anu mujulu kuli Leza, a kwaamba, “Ndaku Lumba, Mwami Jesu. Nda syoma, miniti eli, Wa ndipa Muuya wa Mwami, Wa kandi bbizya a Muuya Uusalala a kundipa zilongezyo.”

Ncibotu, mucizi, boola....?....



KUKAKATILA TNG63-0113E
(Perseverance)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munondo mangolezya, Mukazimaziba 13, 1963, ku Foursquare Church mu Phoenix, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org